





杜詩鏡銓卷十九

大歷中公在江陵憩公安次岳州及居湖南作

惜別行、送向卿進奉端午御衣之一作赴上都、

肅宗昔在靈武城。指揮猛將收咸京。向公泣血灑行

殿。向公當是向卿之兄有功收復佐佑卿相乾坤平。逆胡冥冥隨烟燼。卿

家兄弟功名震。麒麟圖書鴻雁行。紫極出入黃金印。

尚書勳業超千古。謂荆南節度衛伯玉雄鎮荊州繼吾祖。晉杜預以鎮南大將軍都

督荊州諸軍事裁縫雲霧成御衣。拜跪題封賀端午。向卿將命

寸心赤。青山落日江湖白。卿到朝廷說老翁。漂零已

是滄浪客。盧注公昔在朝曾叨端午賜衣故有老客漂零之歎

夏日楊長甯宅送崔侍御常正字入京得深字

唐書長甯縣屬鎮北大都護府又祕書省有正字二人

醉酒揚雄宅漢書揚雄有宅一區家貧嗜酒時有好事者載酒從遊學升堂子賤琴不堪垂

老鬢還對欲分襟天地西江遠星辰北斗深仇注公在江陵故曰

最警

詩慣用北斗  
西江惟此二句

烏臺俯麟閣御史臺為烏臺注見十四卷通典漢氏圖籍藏麒麟天祿二閣桓帝延熹二年始置祕書監一

長夏白頭吟唐六典初漢御史中丞掌麟臺祕書圖籍故歷代建臺省以祕書與御史為鄰

夏夜李尚書筵送宇文石首赴縣聯句唐書石首縣屬江陵

府宇文晁為李之芳甥

愛客尚書重之官宅相賢甫宅相注見一卷酒香傾坐側帆影

承首句 ○下三

駐江邊之芳翟表郎官瑞翟雉名肅廣濟孝子傳肅芝至孝除尚書郎有雉數十飛鳴車側浦注宇文當是郎

官出宰者鳧看令宰仙或或乃崔或雨稀雲葉斷陸機雲賦金柯分玉葉散夜久燭花

偏甫數語欹紗帽高文擲綵牋之芳興饒行處樂離惜

醉中眠或單父長多暇河陽實少年甫客居逢自出

爾雅男子謂姊妹之子為出左傳康公我之自出為別幾凄然之芳

李子德云如出一口見盛唐組織之工聯句詩要通首一串又要各存自家口吻此可為法

多病執熱奉懷李尚書之芳

衰年正苦病侵凌首夏何須氣鬱蒸大水水殊茫炎海

接十洲記炎洲在南海外之中奇峯崑兀火雲升陶潛詩夏雲多奇峯江賦巨石崑兀以前卻忠霑道

帝詠諧

賜音日黃梅雨

仇注湘江四月有熟梅雨薛道衡詩細雨應黃梅

敢望宮恩玉井冰

魚

魏略明帝九龍殿前為玉井綺欄蟾蜍含受神龍吐水

不是尚書期不

顧漢書陳遵字孟公每飲賓客輒閉門取客車轄投井中時北部刺史奏事過

會狀母乃令從後閣出去應據書仲孺不辭同產之服孟公不顧尚書之期

山陰野一作夜雪興難乘

山陰注見七卷

李初必有簡邀公而不赴故云然

### 水宿遣興奉呈羣公

魯鈍仍多病逢迎遠復迷

言魯鈍多病而復遠行以故昧於逢迎也

耳龍耳須書字

○耳耳○出○老○人○

髮短不勝篔簹澤國雖勤雨

穀梁傳言不雨者勤雨也注恩雨之勤也鶴曰此言得雨勤數與傳異

炎

天竟淺泥小江還積浪弱纜且長隄

因雨多浪大故尚未歸開舟此明水宿之故

路非關北行舟卻向西暮年漂泊恨今夕一作久客亂離嗚

童稚頻書札盤飧詎糝藜糝藜注見十一卷公在江陵時妻子或留當陽故家人以困乏來告我

行何到此物理直難齊莊子有齊物論高枕翻星月嚴城疊鼓

鞞衛公兵法鼓三百二十槌為一通鼓止角動吹十一聲為一聲風號聞虎豹水宿伴鳧鷖異

縣驚虛往同人惜解攜此想亦書中語蹉跎長汎鷁展轉屢聞

雞言不寐也嶷嶷瑚璉韻書另展切此叶平聲用器陰陰桃李蹊謂奔赴者眾餘波期

救涸費日苦輕齋謂日久而資糧竭也後漢朱儁傳輕齋數百金到京師杖策門闌遂肩

輿羽翮低沈注杖策步行則闔者不納故門闌遂肩輿往拜則窮途乏費故羽翮低此與殘杯冷炙二句曲盡干人之狀自傷

甘賤役誰愍強幽棲巨海能無釣莊子在公子為大釣以五十犗為餌投釣于東海按犗音

自起至此皆自敘行色以下奉呈羣公

戒說文牛也浮雲亦有梯二句欲諸公達情幕主勳庸思樹立語默可端倪

言素以濟時自命公詩許身一何愚竊比稷與契贈粟困應指吳志魯肅家富於財周瑜為居巢長聞之往求資糧肅時有米

結處正不放倒身分

二困各三千解直指一困與瑜瑜奇之乃結僑札之交登橋柱必題題橋注見二卷言有能拯己之旅困者則雖老而壯

志不滅丹心老未折時訪武陵溪武陵溪借指水宿欲諸公之過訪也舊說以為欲訪桃源於上意不貫

遣悶

上半寫景下半寫情

地闊平沙岸舟虛小洞房言舟中如洞房也使塵來驛道城日

避烏檣言泊船城下城障不見日也暑雨畱蒸溼江風借夕涼行雲星

隱見疊浪月光芒螢鑿綠帷微螢光可以照物故曰螢鑿蛛絲罨鬢長

哀箏猶凭几鳴笛竟霑裳倚著陸略切如秦贅言隨地漂流也賈誼傳秦人家

胡夏客曰隱見寫雲中之星光芒寫浪中之月繪景能新

亦故作大言動人



富子壯則出分家  
貧子壯則出贅  
過逢類楚狂  
氣衝看劍匣  
穎脫撫錐囊

平原君傳夫賢者處世譬如錐處囊中其末立見毛遂曰使遂早得處囊中乃脫穎而出  
仇注看劍謂壯心猶在撫囊言欲試未能

妖孽關

張云時清二句

言太平輕武亂

世緩文也二句

道盡時世積重

之弊

東○臭○  
何云臭即桓溫所謂遺臭  
兵○戈○隴○右○瘡○  
關東指安史之亂隴右謂吐蕃之警  
時○清○疑○武○略○  
世○亂○踟○文○場○餘○力○浮○於○海○端○憂○問○彼○蒼○  
月賦陳王初喪應劉端憂多暇  
百○年○從○萬○事○故○國○耿○難○忘○

### 江邊星月二首

驟○雨○清○秋○夜○  
月  
金○波○耿○玉○繩○  
謝朓詩金波麗鳩鵲玉繩低建章  
天○河○元○自○白○

江○浦○向○來○澄○映○物○連○珠○斷○  
漢律歷志日月如合璧五星如連珠  
緣○空○一○鏡○升○

此咏雨後之星月

古詩破鏡

餘光隱更漏况乃露華凝

露華凝則天將曙矣結語逗起下章

飛上天

此咏將曉之星月

江月辭風纜一作檻江星別霧船雞鳴還曙色鷺浴自晴

川歷歷竟誰種古詩天上何所有歷歷種白榆悠悠何處圓月賦升清質之悠悠客愁

殊未已他夕始相鮮郭璞詩容色更相鮮

### 舟月對驛近寺

更深不假燭月朗自明船金刹青楓外維摩經佛言佛滅後以金身舍利起

七寶塔表刹莊嚴而供養朱樓白水邊城烏嘒眇眇夜靜城高其聲遠而微也野鷺宿娟

娟皓首江湖客鉤簾獨未眠一○結○含○情○無○限○

### 舟中

風餐江柳下雨臥驛樓邊結纜排魚網連檣並米船

今朝雲細薄昨夜月清圓

顧注變態不同而繫舟如故四句作一氣說

飄泊南庭

老

朱注南庭即邊庭之庭公在南方故曰南庭

祇應學水仙

列仙傳琴高入涿水中取龍子諸弟子皆潔齋待於水旁杲乘

赤鯉來復入水去高吳均詩是有琴高者凌波去水仙

江陵節度陽城郡王新樓成王請嚴侍御判官

賦七字句同作

樓上炎天冰雪生高飛燕雀賀新成碧窗宿霧濛濛

溼朱棋浮雲細細輕杖鉞褰帷瞻具美

句言文武兼優後漢賈琮傳琮

為冀州刺史之部升車言曰刺史當遠視廣聽糾察美惡何反垂帷裳以自掩塞乎命御者褰之

投壺散帙有餘清

自公多暇延參佐

暗用庾亮登樓事

江漢風流萬古情

言足令後人懷想也

黃白山云首句見時結句見地此杜詩章法其全篇溫潤和雅非公平日本色卻是盛唐正宗

### 又作此奉衛王

西北樓成雄楚都

古詩西北有高樓樓想正在開府西北隅也漢書江陵故楚郢都楚文王自丹陽徙此

遠開

山嶽散江湖

仇注山嶽分峙故曰開江湖流別故曰散一句盡楚中形勝

一一儀清濁還高下

三伏炎蒸定有無推轂幾年惟鎮靜曳裾終日盛文

儒白頭授簡焉能賦愧似相如為大夫

雪賦梁王遊兔園授簡於司馬大夫

曰為寡人賦之

胡元瑞曰杜七言句壯而閔大者二儀清濁還高下三伏炎蒸定有無壯而高拔者藍水遠從千澗落玉山高並兩峯寒壯而豪宕者五更鼓角聲悲壯

三峽星河影動搖壯而沈婉者三年笛裏關山月萬國兵前草木風壯而飛動者含風翠壁孤雲細背日丹楓萬木稠壯而整嚴者江間波浪兼天湧塞

黃白山云常時為物所蔽登樓始觀始還天地之高下古今詩人不能道此

上風雲接地陰壯而典頑者紫氣關臨臨天地闊黃金臺貯俊賢多壯而饒麗者香飄公殿春風轉花覆千官淑景移壯而奇峭者窗含西嶺千秋雪門泊東吳萬里船壯而精深者織女機絲虛夜月石鯨鱗甲動秋風壯而瘦勁者萬里悲秋常作客百年多病獨登臺莊而古淡者百年地僻柴門迴五月江深草閣寒壯而感愴者錦江春色來天地玉壘浮雲變古今壯而悲哀者雪嶺獨看西日落劍門猶阻北人來結語之壯者關塞極天惟鳥道江湖滿地一漁翁蒼語之壯者高江急峽雷霆鬪古木蒼藤日月昏拗字之壯者側身天地更懷古回首風塵甘息機雙字之壯者江天漠漠鳥雙去風雨時時龍一吟以上諸句古今作者無出其範圍也

秋日荆南述懷三十韻

昔承推獎分愧匪挺生材遲暮宮臣忝

江淹擬陸機詩矯跡厠宮臣謂為拾遺也

艱危袞職陪

時肅宗方在鳳翔

揚鑣

一作鞭隨日馭

謂赴行在折檻出雲臺

罪戾寬猶活

公疏救房琯以宰相張鎬救獲免

干戈塞未開星霜元鳥變

李子德云此詩沈雄高渾行藏之本末喪亂之源流皆略具篇中有鷗鵬運海之才兼羚羊掛

角之妙其語多  
奧屈則定哀之  
微詞。首敘已  
以拾遺出貶

上言漂泊蜀夔  
下敘流寓江陵  
素業四句束上  
起下饒有頓宕

月令二月元鳥  
至八月元鳥歸

身世白駒催

更記魏豹曰人生一世間如白駒過隙耳

伏枕因超忽扁

舟任往來九

鑽巴巽火

鑽火即鑽燧改火意韻會巽噴水也  
神仙傳樂巴巽酒為雨滅成都火

二執虫

楚祠雷

楚祠楚地祠廟或云即指楚王宮也雷以八月收聲故曰蟄朱注按  
九鑽三蟄言往來兩川九年其中客夔三年山谷謂凡十二年誤也

望帝傳應實

望帝見杜鵑詩注

昭王去

一作問

不同

湘中記益陽有昭潭其下無底湘水最深處或

謂昭王南征不復沒於此潭因名舊注望帝昭王雖引楚蜀之事亦寓意元宗也元宗為輔國劫遷西內悒悒而崩故以望帝昭王喻之代宗不能明正輔國

之罪猶昭王南征不復而周人不能問之於楚也昔人謂陶淵明悼國傷時不欲顯斥寓以他語使奧漫不可指摘知此可與讀杜詩矣一說浦注追溯元肅

相繼 蛟螭深作橫 豺虎亂雄猜

謂蕃戎叛帥等

素業行已矣

晉書陸納怒兒

于傲曰歲我素業

浮名安在哉 琴鳥曲怨憤

琴今錄琴曲有烏夜啼吳兢樂府解題宋臨川王義慶

造也義慶為江州刺史文帝徵之家人大懼妓妾夜聞烏夜啼憂思而成曲

庭鶴舞摧頽

喻年已衰暮韓非子師曠援琴奏流徵有元鶴

二八延頸而鳴舒翼而舞  
秋水漫湘竹。陰風過嶺梅。湘竹嶺梅皆近荆南苦搖求食

尾。司馬遷書猛虎在深山百獸震恐及在檻穽搖尾而求食常曝報恩腮。言知己未酬而屢遭困躓也幸氏三秦記魚集龍門下登

者化爲龍不登者點額暴腮而退。三輔決錄昆明池人釣魚綸絕而去夢於漢武帝求去其鉤明日帝遊於池見大魚銜索帝取而去之後三日池邊得明珠

一雙帝曰結舌防讒柄探腸有禍胎。要均行路難探腸見膽無所惜言直道不容於世也二句

言世路險阻又公本因遭讒而出故有是語蒼茫步兵哭展轉仲宣哀。王仲宣有七哀詩翰曰哀漢亂

也。饑藉家家米愁徵處處杯。休爲貧士歎。陶潛有詠貧士詩任

受眾人哈。楚辭注楚人謂相嘲笑曰哈得喪初難識榮枯劃易該。言一己之榮枯

自星霜至此總  
序客居楚蜀之  
况

易曉國事之得喪難知二句上下轉振處差池分組冤合沓起蒿萊不必伊周地

皆登屈宋才。時官資冒濫者多即公詩王室比多難高官皆武臣意武夫得志則文士益窮意亦暗承上段漢庭和

異域漢匈奴傳高帝出自登圍使劉敬結和親之約晉史坼中台漢書注秦階三台也中階為公卿大夫坼中台乃借用張

華事不蒙和異域蒙坼中台霸業尋常體宗臣忌諱災羣公紛戮力聖慮宵

徘徊數見銘鐘鼎真宜法斗魁晉天文志斗魁第一星第三星日三公主宣德化調七政上言

和親之非計罷相之不公至今空瘁羣材獨勞主慮願聞鋒鏑鑄莫使

棟梁摧世說陸玩拜司空有人索酒瀉著梁柱間祝曰以盤石圭多爾為柱石之用莫傾人棟梁戒其毋任用非人也

剪漢書高祖封王子弟地犬牙相制所謂盤石之宗也更記成王封唐叔翦桐葉為圭凶門轂少推淮南子大將受命已

則設明衣翦指爪鑿凶門而出當時兵革不息皆由宗室衰微垂旒資穆歸到君

穆祝網但恢恢古史成湯祝網老子天網恢恢疏而不漏以赤雀翻德上尤屬探原之

然至赤雀注見十八卷黃龍不假媒河圖黃龍五采負圖出置舜前漢郊祀歌天馬來龍之媒賢非夢

危段追感舊事而想望中興



映○擇○相

傅野隱類鑿顏坏

淮南子魯君欲相顏闔使人以幣先焉鑿坏而遁之坏屋後牆也

自古江湖

四句仍就自家

作結

客冥心若死灰

結意言己已無意用世惟望國家得人以致太平耳

此詩因公  
在荆南客况寥落而感念生平知己之人後段因房之罷斥而言  
端揆之必須慎擇又因瑄議分鎮而歎封建之終為善謀語意層層推出粘

熬房說固不必脫卻房說則更非也○胡震亨曰此篇述己因房瑄得罪始末甚詳昔承推獎分公受知於房瑄也折檻出雲臺以救瑄謫官也不必伊

周地皆登屈宋才追言肅宗時從龍諸相未必皆賢也漢廷和異域言回紇和親晉史坼中台言房瑄罷相肅宗乾元元年六月貶瑄七月以甯國公主

嫁回紇合言之見和親非策瑄在位當無是也霸業尋常體言和親乃漢道雜霸非國體之正也宗臣忌諱災言瑄首建諸王分鎮之議觸肅宗所忌諱

而得禍也數見銘鍾鼎真宜法斗魁言功臣雖多非三公器見一時人才皆不如瑄也盤石圭多翦凶門轂少推言分鎮以固盤石圭當多翦瑄本謀原

不錯但宰相不當使出將凶門轂自宜少推耳此若諱陳陶之敗而為之解者垂旋資穆穆至黃龍不假媒言外見當時貶瑄為太過更望朝廷以寬大

用人則賢才自至也又曰駱賓王有幽繫書情排律乃公此詩所出合觀之始知杜詩博議盤石圭多翦二句極言封建之制善於藩鎮非專謂宰相不

可出將也羣公紛戮力以下  
自是泛論不必復主瑄言之

秋日荆南送石首薛明府辭滿告別奉寄薛尚

書頌德敘懷斐然之作三十韻浦注前有送宇文石首詩此云石首薛明府辭

滿宇文正是代薛之任明府薛尚書之弟尚書乃薛景仙

南征為客久

公自謂

西候別君初

朱注隋尹式詩西候追孫楚南津送陸機按孫子荆有征西官屬送

於陟陽候詩注陟陽亭名候亭也西侯字本此

歲滿歸鳧鳥秋來把雁書

謂明府得尚書書也

荆

門留美化姜被就離居

姜被注見五卷言將歸晤其兄

聞道和親入

舊唐書吐蕃傳

大歷二年十一月和蕃使檢校戶部尚書薛景仙自吐蕃使還首領論泣陵隨景仙入朝

垂名報國餘連枝不日

甚交情故只借

作緣起

並

蘇武詩况我連枝樹與子同一身

八座幾時除

八座注見十八卷想薛此行無賞且未補官故後有青雲卷舒之句

邵云全首渾勁有氣亦長律中傑作

首六句敘秋日

送薛明府告別

想公與明府無

甚交情故只借

作緣起

舊注以為祝明府陞陟者非

往者胡星孛。恭惟漢網疏。阮注祿山稱亂由朝廷過寵故曰漢網疏風

塵相頽洞。天地一邱墟。殿瓦鴛鴦坼。謂天子出奔鄴中記鄴都銅雀臺皆鴛鴦瓦

宮簾翡翠虛。謂妃嬪皆走洞冥記漢武帝甘泉宮起招仙閣編翠羽麟毫以為簾鉤陳摧微道。謂侍

衛盡散西都賦周以鉤陳之位又周廬干列微道綺錯微循之道也槍槩失儲胥。謂庫藏俱空長楊賦木擁槍槩以為儲胥注槍

槩作木槍相槩為柵也諸胥言諸蓄以待所須也文物陪巡狩。親賢病拮据。二句言從亡之臣

公時呵契繇。契繇注見十一卷首唱卻鯨魚。通鑑至德元載以陳倉令薛景仙為扶風太守賊寇

扶風景仙擊卻之事詳三卷勢慳宗蕭相。原注郭令公浦注勢慳者謂勢足以資汾陽之成功材非一范

睢。原注諸名將見諸將併力擊賊皆由尚書倡起也舊注范雖為秦謀兵事伐魏伐韓破趙故以比諸名將屍填太行道。血

走浚儀渠。永經注禹塞滎澤淫水於滎陽下引河通淮泗名漢蕩渠一名浚儀渠舊唐書浚儀縣屬汴州太行浚儀皆安史蔓延之處

滏口師仍會

元和郡縣志滏水出磁州滏陽縣西北太行八陁第四曰滏口陁對鄴西魏注滏口即安陽九節度征安慶緒曾會

師於此

函關憤已攄紫微臨大角

大角注見十卷

皇極正乘

讀平聲

輿句

謂肅宗還京

賞從頻我冤

左傳晉侯賞從亡者

殊恩再直廬

原注公舊執金吾新授羽林前後二將軍

豈惟高衛霍曾是接應徐

應德璉徐偉長魏太子賓客

降集翻翔鳳

其言

此段歷敘禍亂恢復言尚書功績是題中頌德二字

才品之超越

追攀絕眾狙

謂不使小人得攀附也莊子狙公賦狙曰朝三暮四眾狙皆怒狙猿也

侍臣雙宋

玉戰策兩穰苴

史記齊威王追論古司馬兵法附穰苴于中號曰司馬穰苴兵法

鑒徹勞懸鏡

荒蕪已荷鋤嚮來披述作

原注石首處見公新文一通

重此憶吹噓白

髮甘凋喪青雲亦卷舒經綸功不朽跋涉體何如

原注

此段感昔培植并候起居是題中敘懷二字

公頃奉使和蕃

驚訝耽湖橘常餐占野蔬十年嬰藥餌萬里狎

樵漁揚子淹投閣。謂久於蜀也。鄒生惜曳裾。鄒陽傳何王之門不可曳長裾乎。但

驚飛熠熠。詩熠熠宵行注熠熠也。不記改蟾蜍。張載詩下車如昨日蟾蜍四五圓。烟雨封

巫峽江淮略孟諸。二句槩言地勢爾雅十藪宋有孟諸郭璞注在雒陽縣東北略孟諸言江淮之地回略及於孟諸也。

湯池雖險固遼海尚填淤。通鑑大歷三年六月幽州兵馬使朱希彩與朱泚朱滔共殺節度使李懷仙自

稱留後朝廷不能制故曰尚填淤也。努力輸肝膽休煩獨起予。獨起予以尚書新

當以立功為事未可專留意於筆墨也。

朱鶴齡曰按新舊書皆不立薛景仙傳逆臣傳載代宗討史朝義右金吾大將軍薛景仙請以勇士二萬椎鋒死賊觀此詩滄口數語則收京時景仙嘗

會師滄陽立功河北矣舊書至德元載十二月秦州都督郭英又代景仙為鳳翔太守而不言景仙遷轉何官此云殊恩再直慮豈景仙自鳳翔入即歷

金吾羽林之職耶史家闕軼甚多可據此補之又通鑑廣德二年正月吐蕃陷京師既去以太子賓客薛景仙為南山五谷防禦使景仙嘗官宮僚故以

應徐比之也公與景仙俱扈從還京景仙獨承恩侍直官  
躋八座賞從以下雖云頌美流落淹遲之感實寓其中

### 獨坐

悲○秋○迴○白○首○倚○杖○背○孤○城○江○斂○洲○渚○  
韻會渚入六魚 出

天○虛○風○物○清○滄○溟○恨○衰○謝○朱○紱○負○平○生○  
二句言出處 仰○羨

黃○昏○鳥○投○林○逸○翮○輕○

### 暮歸

霜○黃○碧○梧○白○鶴○棲○  
顧注白鶴棲是言暮色不必棲於梧上 城○上○擊○柝○復○烏○嘯○客○

子○入○門○月○皎○皎○誰○家○搗○練○風○淒○淒○南○渡○桂○水○闕○舟○楫○

北○歸○秦○川○多○鼓○鞞○  
通鑑大曆三年八月吐蕃復寇靈州京師戒嚴 年○過○半○百○

邵云物體高調  
未許時手問津  
盧德水云全首  
矯秀無一點悲  
愁澍氣讀去如  
竹枝樂府七言

桂水即謂湘水注見下

神中散仙也

不稱意明日看雲還杖藜

補注結語見去志此不久即有公安之行

中鬼盟曰作拗體詩須有疏斜之致不衫不履如客子入門月皎皎及落日更見漁樵人語出天然欲不拗不可得而此一箇律中帶古傾欹錯落尤為

入化○首句黃碧白三字看他安插頓放之妙

江漢

仇注杜詩言江漢有二未出峽以前所謂江漢者乃西漢之水注於涪江如江漢忽同流無由出江漢是也既出峽以後所謂

江漢者乃東漢之水入於長江如江漢思歸客及江漢山重阻是也

江漢思歸客乾坤一腐儒

陳後山云此言乾坤之大腐儒無所寄其身

片雲天共

遠

亦取陶詩萬族各有託孤雲獨無依意

永夜月同孤落日心猶壯

病欲蘇古來存老馬不必取長途

韓詩外傳田子方出見老馬於道喟然歎曰少盡其功老

趙汾曰中四句情景混合入化東坡詩浮雲世事改孤月此心明亦同此意境

棄其身仁者不為也東帛贖之公自傷為國老臣而不見收恤故云舊注引韓非子未合

胡元瑞曰飛星過水白落月動沙虛吳均何遜之精思春色浮山外天河宿殿陰庾信徐陵之妙境碧瓦初寒外金莖一氣旁山河扶繡戶日月近

雕梁高華秀傑王楊下風冠冕通南極文章落上台詔從三殿去碑到白蠻開典重冠裳沈宋退舍耕鑿安時論衣冠與世同在家常早起憂國願

年豐寓神奇於古滄儲孟莫能為前片雲天共遠永夜月同孤落日心猶壯秋風病欲蘇含關大於沈深高岑瞠乎其後退朝花底散歸院柳邊迷

花動朱樓雪城凝碧樹烟王右丞失其穠麗地平江動蜀天闊樹浮秦日月低秦樹乾坤繞漢宮李太白遜其英雄至岸花飛送客檣燕語留人則

錢劉圓暢之祖兩行秦樹直萬點蜀山尖則元白平易之宗兩邊山木合終日子規嗁盧同馬異之渾成山寒青兕叫江晚白鷗饑孟郊李賀之魂

僻凍泉依細石晴雪落長松島可幽微所從出竹爐燒藥竈花嶼請書堂籍建淺顯所自來雨拋金鎖甲苔臥綠沈槍義山之組織鮮新圓荷浮小

葉細麥落輕花用晦之推敲密切杜集大成五言律尤可見者

### 地隅

江漢山重阻風雲地一隅年年非故物。

古詩所遇無故物安得不速老處



處是窮途喪亂秦公子。謝靈運擬鄴中詩序王粲家本秦川貴公子孫遭亂流寓自傷情多悲涼

楚大夫。離騷序屈原仕於懷王為三閭大夫平生心已折。行路日荒蕪。

### 哭李尚書之芳

漳濱與蒿里。注俱見十四卷逝水竟同年。言生病死葬皆在是年也欲挂留徐劔。

情深猶迴憶戴船。疑其未死也舊注非相知成白首。此別間黃泉風雨

反復傷痛自見纏綿。前八敘交情。次四惜其才。次四悲其客死。末則總悼之也。

嗟何及。詩序風雨思君子也江湖涕泣然。修文將管輅。修文郎注見十卷魏志管輅

謂弟辰曰天與我才明不與我年壽後卒年四十八奉使失張騫。謂之芳曾使吐蕃史閣行人在。

秋官有大行人小行人言其事當書之於史策也詩家秀句傳。客亭鞍馬絕。旅櫬網

蟲懸。復魄昭邱遠。昭邱在荆南注見十四卷招魂素澹偏。之芳乃長安人故云樵蘇

封葬地

戰國策秦攻齊令曰敢有去柳下季壟五十步樵採者死不赦任助卞忠貞墓破樵蘇之刑遠流於皇代 喉舌罷朝

天

後漢書李固傳北斗為天之喉舌尚書亦為陛下喉舌

秋色凋春草王孫若箇邊

招隱士芳草兮

妻王孫兮不歸唐宗室世系表之芳蔣王惺之孫沈佺期詩京華若箇邊若箇唐人方言也

### 重題

涕泗

一作灑

不能收哭君餘白頭兒童相識盡宇宙此生

浮江雨銘旌溼湖風井徑秋

蕪城賦邊風起兮城上寒井徑滅兮邱隴殘注九夫為井遂上有徑

黃生注井徑似指隧道今形家目穴內為金井

還瞻魏太子賓客減應劉

原注公歷禮部尚書薨於太子

賓客魏太子與吳質書徐陳應劉一時俱逝

### 哭李常侍嶧二首

鶴注常侍當是卒於嶺南歸葬長安公逢於江漢間而哭之也

邵云八句一氣妙於言情。申是盟云二首挽詩絕調二句哭及眾友四句兼哭日已矣

一代風流盡。修文地下深。斯人不重見。將老失知音。

短日行梅嶺。言常侍之觀自廣南而來寒山落桂林。謝靈運詩南州實炎德桂林凌寒山落桂林喻哲人之萎

也。長安若箇伴。一作猶想映貂金。常侍金蟬珥貂詳十三卷

青瑣陪雙入。承上長安憶昔同宦銅梁阻一辭。浦注銅梁縣屬渝州方公自蜀下夔時李必嘗官於

諭而缺於敘別風塵逢我地。江漢哭君時。次第尋書札。呼兒檢

贈詩發揮王子表。不愧史臣詞。漢書有王子侯表李常侍必宗室故云言李之賢無愧史筆

舟中出江陵南浦奉寄鄭少尹審。公自江陵移居公安公安在江陵南九十

里故出南浦鄭審時為江陵少尹

更欲投何處。飄然去此都。形骸原土木。用嵇康事言不善周旋也舟

李云每至佳處凄然欲涕而語

○突○入○慘○然○

仍橫放雄氣逼入

楫復江湖社稷纏妖氣千戈送老儒百年同棄物萬

國盡窮途雨洗平沙淨天銜闊岸紆鳴蜚隨汎梗爾

注蜚一名寒蜩又名寒蟬似蟬而小青赤趙曰蜚得梗而託之故隨泛梗而鳴別燕起秋菰二句即景雙關棲託難

安臥饑寒迫向隅說苑今滿堂飲酒有一人向隅而泣則滿堂之人皆不樂矣寂寥相响音

沫莊子魚相响以溼相濡以沫浩蕩報恩珠報恩珠即用昆明池事注見前浦注言窮困如此而相响乏人報恩無所

是以決然舍去耳溟漲鯨波動衡陽雁影徂南征問懸榻懸榻用徐穉事

公未至湖南前本欲赴江西故下有正東逝想乘桴南征蒙雁影東逝蒙鯨波二句言行

踪無定正起下斟酌意濫竊商歌聽呂覽甯戚欲干齊桓公叩牛角而疾商歌桓公聞之命後車載歸時憂

卞泣誅韓非子卞和得玉璞以獻楚王王別其足乃抱璞而哭於荆山之下一句言知已難逢經過憶鄭驛

寄鄭只一句語  
看含蓄

斟酌旅情孤

移居公安山館

唐書公安縣屬江陵府  
此移居公安時途次所作

南國晝多霧北風天正寒  
路危行木杪身遠宿雲端

山鬼吹燈滅廚人語夜闌  
雞鳴問前館世亂

敢求安

醉歌行贈公安顏一有十字少府請顧入朱云疑脫分字題壁

神仙中人不見得神仙用梅福事顏為尉故云顏氏之子才孤標天馬

長鳴待駕馭秋鷹整翮當雲霄君不見東吳顧文學

君不見西漢杜陵老仇注杜陵在西京故曰西漢詩家筆勢君不嫌詞

杜晚年五古多  
頽唐惟七古格  
法窮極奇變所  
謂從心所欲不  
踰矩者

跟前人著一兩不見突兀之甚

客李云

沈云杜詩每有此種接筆

翰升堂為君掃。詞謂己之詩翰謂顧之筆是日霜風凍七澤。子虛賦楚有七澤其小小者名

日雲烏蠻落照銜赤壁。烏蠻在西赤壁在東落照自西而映東也酒酣耳熱忘頭白。

感君意氣無所惜一為歌行歌主客。

送顧八分文學適洪吉州。歐陽集古錄唐呂誦表元結撰顧戒奢八分書余謫夷陵過荆

南謁呂公祠堂見此碑西溪叢語呂公表前太子文學翰林待詔顧誠奢書唐書洪州豫章郡吉州廬陵郡俱屬江西道採訪使治洪州

中郎石經後。水經注蔡邕以熹平四年與五官中郎將堂谿典等求正定六經文字靈帝許之邕乃自書丹于碑使工鐫刻立太

外學門八分蓋憔悴顧侯運鑪錘筆力破餘地昔在開元

中韓蔡同曩廩。首遊戲韓擇木蔡有鄰俱工分書注見十五卷西都賦綴以二華巨蠶曩廩注曩廩作力之貌元宗

妙其書。書苑明皇好圖畫工八分章草張說等獻詩各賜贊褒美自於綵牋上八分書之是以數子至御

首敘顧君書法  
見重朝廷

此段極沈鬱頓  
挫之致

次言文學交情  
始終無間

札早流傳。揄揚非造次。言御札精工。故知揄揚不爽。三人並入直。恩澤

各不二。顧於韓蔡內。辨眼工小字。分日侍一作示諸王鉤。

深法更祕。文學與我遊。蕭疏外聲利。追隨二十載。浩

蕩長安醉。高歌卿相宅。文翰飛省寺。此亦當兼已與顧言之。視我揚

馬一作班揚間。白首不相棄。驂騑入窮巷。必脫黃金轡。上述長安之遊。

下言在此相遇一論朋友難。遲暮敢失墜。古來事反覆。言自古升沈類多顛倒。

相見橫涕泗。嚮者玉珂人。誰是青雲器。五君詠仲容青雲器實稟生民秀。

才盡傷形骸。一作體言因老而才盡。病渴污官位。故舊獨依然。時危

話顛躓。我甘多病老。子負憂世志。胡為困衣食。顏色

上持竟全

以下方言顧適  
洪吉

張上若曰既戒  
以慎其所往又  
教以進言天使  
郵民選吏末段  
囑以勿務苟得  
先正其身真愛  
人以德之道

結段以規友之  
直諒並見愛民  
之真懇詩有此  
方非苟作

少稱遂遠作辛苦行順從眾多意舟楫無根蒂蛟鼉

好為崇况兼水賊繁特戒風飆駛言變生不測崩騰戎馬際

往往殺長吏鶴注大歷三年商州兵馬使劉洽殺刺史殷仲卿幽州兵馬使朱希彩殺節度使李懷仙所謂殺長吏也子干

東諸侯仇注洪吉在荆州之東勸勉無一作防縱恣邦以民為本魚饑費

香餌五略香餌之下必有懸魚費香餌言當厚施予以恤民也請哀瘡痍深告訴皇華使舊唐書天

歷二年魏少游為洪州刺史兼江西觀察使使臣精所擇進德知歷試惻隱誅求

情固應賢愚異仇注言觀察為民擇官必能進有德者而歷試之蓋見誅求之困而動惻隱之情賢者固當異於庸愚也烈

士惡苟得俊傑思自致贈子猛虎行陸機猛虎行渴不飲盜

木豈無枝志士多苦心欲其擇人相依也出郊載酸鼻泉水熱不息惡木陰惡



放筆爲直榦，杼寫淋漓勢若江河之  
決子美晚年五古另有一種意境

### 官亭夕坐戲簡顏十少府

顛修遠云連字

言情淒惻帶字

寫景荒涼

南國調寒杵

庾信詩南國女郎  
砧調聲不用琴

西江浸日車

謂日影  
沈江也

客愁連

蟋蟀亭古帶蒹葭不返青絲鞚  
虛燒夜燭花老翁須

地主

須待也

細細酌流霞

索飲於少府  
故曰戲簡

### 移居公安敬贈衛大郎

鈞

衛侯不易得予病汝知之雅量涵高遠  
清襟照等夷

袁粲答王儉詩老夫  
亦何寄之子照清襟

平生感意氣少小愛文詞  
江海由來合

風雲若有期

以上贈衛郎  
下皆自敘

形容勞宇宙質樸謝軒墀自古

承

邵云超脫

質樸○句

承形容○句

幽人泣流年壯士悲水烟通徑草秋露接園葵經草園葵移居

之地也入邑豺狼鬪言城邑荒涼傷弓鳥雀饑白頭供宴語烏几

伴棲遲見家無長物交態遭輕薄今朝豁所思繳轉一不易○得意

### 公安送韋二少府匡贊

逍遙公後世多賢朱注北史周韋夔養高不仕明帝號為逍遙公唐書韋嗣立中宗亦封為逍遙公韋氏九房以夔後為逍

李云公晚年七律漸近自然如此首之高渾非老手不辦

遙公房嗣立後為小逍遙公房送爾維舟惜此筵念我二子能書一作常能數字至囑其音問常通將詩不必萬人傳公詩多傷時語故戒其勿傳此句正言如韋之知公者少也時危兵

革一作甲黃塵裏日短江湖白髮前古往今來皆涕淚斷

腸分手各風烟仇注言時逢兵革老泛江湖此景此情乃古今所同悲者况故人分手於風烟之際能不為之腸斷乎四語層

遞意極  
慘悽

### 公安縣懷古

野曠呂蒙營

寰宇記公安縣有孱陵城十三州志曰吳大帝封呂蒙為孱陵侯即此地也

江深劉備城

荆州記劉備敗於襄陽南奔荆州吳大帝推為左將軍荆州牧鎮油口即居此城時人號備為左公故名其城公安也

寒天催日短

風浪與雲平灑落君臣契飛騰戰伐名維舟倚前浦

長嘯一含情

公老而不遇又時少良將此其所以望古而興懷也

### 宴王使君宅題二首

邵注王必荆州人閒居邑中者

漢主追韓信蒼生起謝安吾徒自漂泊世事各艱難

四句以閒居為使君惜

逆旅招要近他鄉思緒寬不才甘朽質高臥

沈云灑落二字形得君臣魚水意思出

豈泥蟠法言龍蟠於泥末二句見我則已矣君亦長此廢棄耶應轉首二句

汎愛容霜鬢留歡上夜關一作卜夜閑英華辨証上夜關蓋有投轄之意按韓翃宴吳王宅詩稱壽爭離

李云極宴娛心意戚戚何所迫

高入習次咄咄在毫端矣

席留歡輒上關或即用此語 自吟詩送老相對酒開顏戎馬今何地鄉

園獨在一作山 舊羨王有甯居也 江湖墮清月酩酊任扶還我則無家可歸惟有

付之一醉而已

呀鶻行集外詩見陳浩然本又見文苑英華呀張口貌浦注此借呀鶻以自况也與瘦馬行相類

正與布帆客子同行逕

病鶻孤飛俗眼醜每見江邊宿衰柳清秋落日已側

身過雁歸鴉錯迴首張潛注側身以病不能正立也錯迴首尚畏之也 緊腦雄姿迷

所向疏翮稀毛不可狀彊神非舊作迷非從仇本 復皂雕前俊

形病

神病

才早在蒼鷹上。風濤颯颯寒山陰。熊羆欲螫龍蛇深。  
念爾此時有一擲。失聲濺血非其心。一擲一擊也。失聲以病無聲也。濺血以病傷損。

流血也。言當此深冬。正搏擊之時。而甘以病廢。非其本心也。

### 送覃二判官

浦注覃二必是歸京故。送別而致戀闕之思也。

先帝弓劍遠。牛宏隋文帝頌慕深考姚哀縛弓劍。小臣餘此生。蹉跎病江漢。

不復謁承明。曹植詩謁帝承明廬。餞爾白頭日。永懷丹鳳城。遲遲

戀屈宋。渺渺臥荆衡。魂斷航舸屬切失。天寒沙水清。肺

肝若稍愈。亦上赤霄行。

公安送李二十九弟晉肅入蜀。余下沔鄂。晉肅李賀之父。

見韓文諱辨唐書沔州漢陽郡鄂州江夏郡俱屬江南西道後併沔州入鄂州朱注按公是年冬發公安至岳陽而題云下沔鄂詩又云正解

柴桑纜蓋公是詩欲由沔鄂東下後不果乃之岳陽耳

正解柴桑纜通典尋陽縣南楚城驛即漢柴桑縣一統志今在九江府城南仍看蜀道行檣烏

相背發塞雁一行鳴南紀連銅柱趙曰南紀江漢也下沔鄂所經按銅柱在交趾於地為極

西江接錦城憑將百錢卜南故云連銅柱漂泊問君平舊注嚴君平賣卜成

都日得百錢則閉肆下簾

畱別公安大易沙門後漢郊祀志沙門漢言息心剃髮出家絕情洗慾而歸於無為也大易蓋詩僧

隱居欲就廬山遠公前有大覺高僧蘭若詩巫山麗藻初逢休

上人湯惠休注見二卷數問舟航畱製作大易蓋有贈詩長開篋笥擬心

六詩每善於景中寓情

神沙村白雪仍含凍。江縣紅梅已放春。先踏鑪峰置

蘭若。徐飛錫杖出風塵。蘭若注見十七卷時公欲往廬山故言當先置寺於彼以待大易之來也

### 久客

羈旅知交態。淹留見俗情。衰顏聊自哂。小吏最相輕。

去國哀王粲。傷時哭賈生。狐狸何足道。豺虎正縱橫。

漢孫寶傳豺狼橫道不宜復問狐狸

### 冬深

仇注此當係發公安後作今姑以類編

花葉惟舊作隨復天意謂霞狀變化如花如葉江溪共石根。早霞隨類

影趙曰言其變態不常隨類之影而呈現也寒水各依痕。易下楊朱淚。難招楚

客魂風濤暮不穩。捨棹宿誰門。

曉發公安

原注數月憩息此縣陸游入蜀記公移居公安詩云水烟通徑草秋露接園葵而畱別大易云白雪仍含凍紅

梅已放春則是以秋至此縣暮冬始去也

邵云疏者亦拗體之佳者

蔣云亂離漂泊之餘若感若悟真堪泣下

北城擊柝復欲罷。東方明星亦不遲。鄰雞野哭如昨日。物色生能幾時。即指徑草園葵之類今已凋落也舟楫眇然自此去。江湖遠適無前期。謂不知何時可以駐足出門轉盼已陳跡。藥餌扶吾隨所之。

王右仲云搖曳脫灑七律之變至此而極妙亦至此而極真皆山谷所云不煩繩削而自合者

發劉郎浦

江陵圖經劉郎浦在石首縣先主納吳女處趙曰公自公安縣往岳州故經劉郎浦浦在公安之下



掛帆早發劉郎浦。疾風颯颯暗亭午。舟中無日不沙塵。岸上空村盡豺虎。十日北風風未迴。客行歲晚尤相催。白頭厭伴漁人宿。黃帽青鞋歸去來。

別董穎

黃曰詩云逆浪開帆難蓋董泝漢水而之鄧也又云老夫纜亦解公是時將適潭州乃大曆三年冬作

窮冬急風水。逆浪開帆難。士子甘旨闕。不知道里寒。

有求彼樂土。南適小長安。

光武紀戰於小長安注續漢書涪陽縣有小長安聚故城在今鄧州南陽縣南

別我舟楫去。覺君衣裳單。素聞趙公節。趙公鄧州守也兼盡賓

主歡已結門。閭望無令霜雪殘。

朱注董因闕甘旨而謁趙公故用倚門倚閭事勸其早歸以慰

慈母之望也老夫纜亦解。脫粟朝未餐。飄蕩兵甲際。幾時懷

此字見休戚相

抱寬漢陽頗甯靜。峴首試考槃。當念著皂帽。采薇青

雲端。峴山在襄陽與鄧州相近公素有居襄陽之志故因董適鄧而及之言我亦將道漢陽登峴首為終隱計子當念我之采薇於雲端也

夜聞簫箎樂府雜錄簫箎者本龜茲國樂亦名悲栗以竹為管以蘆為首其聲悲栗有類於箎也

夜聞簫箎滄江上。衰年側耳情所嚮。鄰舟一聽多感

傷。塞曲三更歛悲壯。胡笳有入塞出塞曲積雪飛霜此夜寒。孤燈

急。管復風。一作奔湍君知天地干戈滿。不見江湖行路難。

李云結處忽轉  
忽宕如泣如訴

舊注君知干戈滿地獨不見行路之難乎乃更吹此以助人悲傷也

### 歲晏行

歲云暮矣多北風。瀟湘洞庭白雪中。漁父天寒網罟

邵云似雜似複  
正得歌謠之遺

凍莫徭射雁鳴桑弓

隋地理志長沙郡雜有夷蠻名曰莫徭自言其先祖有功常免征役故以為名禮記桑弧蓬矢

以射 去年米貴闕軍食

朱注舊唐書大曆二年十月減京官職田三分之一充軍糧又十一月率百官京城士庶出錢

以助軍此詩作於三年之冬故云去年米貴闕軍食也

今年米賤大傷農高馬達官厭酒

仇云魚鳥承漁父莫徭租庸承

農夫杼柚此皆迫於官賦者

帶出一事正見在上者不恤民

困以至驅為奸利而不止也

肉此輩杼柚茅茨空楚人重魚不重鳥

風俗通吳楚之人嗜魚鹽不重禽獸之肉

汝休枉殺南飛鴻況聞處處鬻男女

割恩忍愛還租庸

鐵和青銅

舊唐書凡授田者丁歲納粟稻謂之租不役者日為絹三尺謂之庸 往日用錢捉私鑄今許鉛

貫重不過三四觔

刻泥為之最易得

刻泥為之以泥為錢模也 好惡不合長相蒙

萬國城頭盡吹角此曲哀悲何時終

浦注賦重由於軍興結語乃一篇歸宿

泊岳陽城下

岳陽即岳州在天岳山之陽故名唐書岳州巴陵郡屬江南西道

江國踰千里山城近

一作僅

百層岸風翻夕浪

岸風謂城下迴風是泊舟景

忽變出壯語亦因向南觸起

舟雪灑寒燈畱滯才難盡艱危氣益增圖南未可料

壽之妙

變化有鴟鵬

莊子鴟化爲鵬而後乃今圖南

纜船苦風戲題四韻奉簡鄭十三判官

泛

楚岸朔風疾天寒鶴鵠呼

西都賦鳥則鶴鵠汎浮往來爾雅蒼麋鶴羅願爾雅翼云蒼麋其色蒼如麋也

一名鴟鹿本草狀如鶴而頂無丹兩頰紅

漲沙霾草樹

漲沙謂沙如漲也

舞雪渡江湖

仇注沙

皆風狂所致

吹帽時時落維舟日日孤因聲置驛外

因聲猶爲

覓酒家壚

司馬相如傳文君當壚顏師古注賣酒之處累土爲壚以居酒甕非溫酒之爐

王阮亭云元氣  
渾淪不可湊泊  
高立雲霄縱懷  
身世寫洞庭只  
兩句雄跨今古  
下只寫情方不  
似後人泛詠洞  
庭詩也

登岳陽樓岳陽風土記城西門門樓也下瞰洞庭景物寬闊

昔聞洞庭水今上岳陽樓吳楚東南坼宋注坼地裂也史記趙世家地坼東

五言雄渾之絕乾坤日夜浮董斯張曰或疑洞庭楚地何遠及於吳考荆州記君山在洞庭湖中上有道通

吳之包山今吳之太湖亦有洞庭山以潛通君山故得名或疑乾坤日夜浮有似詠海考水經注洞庭湖廣圓五百里日月若出沒其中又裕遺記洞庭山浮

於水中方知杜句所云皆是緊切洞庭一語移動不得親朋無一字老病有孤舟戎馬關

山北憑軒涕泗流

俞犀月云次聯是登樓所見寫得開闊頸聯是登樓所感寫得黯淡正於開闊處見得俯仰一身淒然欲絕唐庚子西文錄嘗過岳陽樓觀子美詩不

過四十字耳其氣象閎放涵蓄深遠殆與洞庭爭雄太白退之輩率為大篇極其筆力終不能逮方虛谷云公此詩同時惟孟浩然足以相敵嘗登岳

陽樓左序毬門壁間大書孟詩右書杜詩後人不能復題劉長卿云疊浪浮元氣中流沒太陽世不甚傳他可知矣

陪裴使君登岳陽樓裴使君岳陽守也

湖闊兼雲霧。樓孤屬晚晴。樓在城西門正當夕照禮加徐孺子。詩接

謝宣城。謝朓傳除祕書丞未拜仍轉中書郎出為宣城太守雪岸叢梅發。春泥百草生。

敢違漁父問。從此更南征。楚辭屈原既放遊於江潭漁父見而問之招魂獻歲發春兮汨吾南征

發白馬潭一統志岳州巴陵縣有白馬磯

水生春纜沒。日出野船開。宿鳥行音猶去。叢花笑不

來。張潛注岸上花若望舟而笑然我舟自行不能招之使來也人人傷白首。處處接金杯。莫

道新知要。言與我切也南征且未迴。

南征

劉須溪云此等不忍再讀

春岸桃花水。雲帆楓樹林。偷生長避地。適遠更霑襟。  
老病南征日。君恩北望心。百年歌自苦。未見有知音。

### 歸夢

道路時通塞。時方用兵故道。路或通或塞。江山日寂寥。偷生惟一老。伐

叛已三朝。謂元肅代。雨急青楓暮。雲深黑水遙。禹貢黑水。西河維雍州。傳曰東據華山之

南西距黑水。仇注青楓在楚。黑水在秦。乃夢中恍惚之境。夢魂歸未得。不用楚辭招。黃生注五六。即魂來楓林。

青魂返關塞。黑意七八。即老魂招不得。歸路恐長。迷意。

### 過南岳入洞庭湖

鶴注此大歷四年正月自岳陽之潭州時作。唐書潭州湘潭縣有衡山。山海經注長

沙巴陵縣西有洞庭陂。潛伏通江。浦注南岳更在洞庭之南。舊注以為過而後入於詩。義圖經兩俱背戾。不知過者將然之事。詩意蓋謂欲過

南岳乃先入湖也

○直○入○老○筆○紛○披○  
洪波忽爭道岸轉異江湖  
岳陽風土記粟澧沅湘合諸蠻黔南之水滙於洞庭至巴陵與荆江合

渚分雲樹  
楚辭乘鄂渚而返顧兮九州記鄂今武昌是也孫權自公安徙此改曰武昌  
衡山引舳  
音舳  
逐艦

說文舳舟尾艦舟前也浦注上句言發櫂之處下句言欲赴之方岳州北連鄂渚故曰分斯遊將抵衡山故曰引  
翠牙穿裛蔣

春景  
裏香襲  
衣也  
碧節吐寒蒲病渴身何去春生力更無  
老人當春益倦故云

壤童犁雨雪漁屋架泥塗欹側風帆滿微冥水驛孤

上一近岸景此一湖中景  
悠悠回赤壁  
隨注赤壁在夏口之東武昌之西  
浩浩略蒼梧帝子

雷遺憾曹公屈壯圖  
二句分承與出瞿唐峽詩神女峰娟妙四句同格  
聖朝光御極

殘孽駐艱虞  
謂河北諸降將  
才淑隨厮養  
任助集肇允才淑漢制通傳隨厮養之役者失萬乘之權  
名



賢隱鍛鑪用嵇康事注見一卷四句言時方用武故儒術不尊也邵平元入漢張翰後歸

吳莫怪嘯痕數危檣逐夜烏言邵張皆歸隱故鄉而已獨漂泊無依時帶嘯痕不足怪也

### 宿青草湖

元和郡國志巴邱湖又名青草湖在巴陵縣南七十九里名勝志湖北連洞庭南接瀟湘每夏秋水泛與洞庭

為一水澗此湖先乾青草生焉故名

洞庭猶在目青草續為名宿漿依農事

湖中多種用依泊而宿亦所以備盜

郵籤報水程

郵籤謂驛館漏籌

寒冰爭倚薄雲月遞微明湖雁

雙雙起人來故北征

歎己之未能北歸也

結處思鄉意極蘊籍

### 宿白沙驛

原注初過湖南五里采注按湘中記云白沙如霜雪驛或以此名

水宿仍餘照人烟復此亭驛邊沙舊白湖外草新青

蔣云首二句寫出洞庭無際不

見人烟之恐

萬象皆春氣孤槎自客星隨波無限月的的近南溟

的的有驚認意非止言的饒宋之間寒宵引明月的的寒潭中莊子南溟者天池也

### 湘夫人祠

山海經洞庭之山帝之二女居之水經注太湖水西流迤二妃廟南世謂之黃陵廟大舜之陟方也二妃

從征沒於湘江神遊洞庭之源出入瀟湘之浦民為立祠水側焉方輿勝覽黃陵廟在潭州湘陰北九十里

黃白山云三四

本屬荒涼語轉

濃麗亦義山之

廂

蕭蕭湘妃廟空牆碧水春蟲書玉佩蘚燕舞翠帷塵

晚泊登汀樹微馨借

一作香惜

渚蘋

言欲借渚蘋以表已薦馨之意

蒼梧恨不盡

染淚在叢筠

注見三卷結亦寓思君意

### 祠南夕望

百丈牽江色

仇注舟行上水故用百丈

孤舟泛日斜興來猶杖屨目斷

邵云幽秀。王阮亭云何仲默

詩多學子美此

更雲沙山鬼迷春竹楚辭山鬼篇余處幽篁兮終不見天湘娥倚暮花郭璞江賦協靈

爽於湘娥湘娥即湘妃也湖南清絕地萬古一長嗟張繼注如此清絕之地徒為遷客羈人之所歷此萬古所

以長嗟也結語極有含蓄正見已與屈原同一情懷

上水遣懷

趙子櫟譜自岳之潭之衡為上水自衡回潭為下水

首述漂零之故

我衰太平時身病戎馬後仇注太平指天寶以後蹭蹬多拙為

安得不皓首驅馳四海內童稚日餬口但遇新少年

少逢舊親友低顏下色地故人知善誘後生血氣豪

舉動見老醜四句即所謂舊識能為態新知已暗疏也窮迫挫曩懷常如中風走

朱浮與彭寵書伯通獨一紀出西蜀朱注公以乾元元年冬離長安自隴入蜀至大曆四年在湖南凡十二年

中風狂走自捐盛時

此段弔古興懷  
極其悲壯

此段卽是感觸  
乃上水正文

末復卽景喻世  
亂而歸之混俗  
以遣懷。蔣云  
所謂如中風者

於今向南斗孤舟亂春華暮齒依蒲柳冥冥九疑葬

山海經九疑山舜所葬在長沙零陵界中 聖者骨已朽蹉跎陶唐人謂不及生聖代也 鞭撻

日月久公慈恩寺詩義和鞭白日鞭撻猶驅逐也 中間屈賈輩讒毀竟自取此奇切 鬱

沒一作怏 二悲魂蕭條猶在否齒翠清湘石逆行雜林藪

仇注水中石露則舟經險岸多林藪則路易迷 篙工密逞巧氣若酣杯酒謳歌互激

越一作遠 回幹明一作相 受授采注回幹回旋轉其船也船之首尾相呼以求水脈謂之受授 善知應觸

類各藉穎脫手古來經濟才何事獨罕有言卽此操舟若神推之凡事莫

不皆然 蒼蒼眾色晚熊掛元蛇吼詩義疏熊能攀援上高樹見人則顛倒投地而下 黃罷

在樹顛爾雅熊如熊黃白文 正爲羣虎守柳宗元熊說鹿畏羆羆畏虎虎畏熊詳詩意正言熊升樹而伺虎也

亦伴狂之意歟  
正堪與屈賈共  
一哭

張潛注能蛇喻盜賊強梁羆為虎守又見奸惡互相吞噬意

羸骸將何適。履險顏益厚。庶與

達者論吞聲。混瑕垢。

左傳瑾瑜匿瑕國君含垢

仇滄柱云公初入蜀則曰故人供祿米在梓閬則曰窮途仗友生再還蜀則曰容身逢故舊初到夔則曰諸侯數賜金至此則親朋絕少旅况益艱卒至

死於道路故曰自古詩人之窮未有如子美者

遭遇

謂因所遇以自遣也

首二一拘一放情事可想

磬折辭主人

莊子漁父篇夫子曲腰磬折

開帆駕洪濤。春水滿南國。朱

崖雲日高。舟子廢寢食。飄風爭所操。我行匪利涉。謝

爾從者勞。石間采蕨女。鬻市一作菜輸官曹。丈夫死百役。

暮返空村號。聞見事略同。聞是平日見是當下刻剝及錐刀。貴人

張云乘風駕浪  
舟人晝夜爭利  
實有此景

又云賊盜皆從

上詩竟全

卷一

三

聚斂起而下之  
貪縱又從上好  
貨來古今積弊  
數語道盡

季云筆力高故  
所揮如意

木言金銀

豈不仁視汝如莠蒿索錢多門戶喪亂紛嗷嗷奈何  
黠吏徒漁奪成逋逃自喜遂生理花時甘縕袍

解憂上水得脫  
危險而作

減米散同舟路難思共濟向來雲濤盤趙曰雲濤之間盤  
轉未出方言所謂

眾力亦不細仇注散米本期濟眾而遇險  
終藉其力此溯從前之事呀坑一作  
坑

瞥眼過西都賦呀周池而成淵趙曰呀坑者淤坑  
如口之呀開者也蔡曰呀坑乃灘口也飛櫓本無蒂得

失瞬息間致遠宜恐泥渡坑雖免風波而涉遠尚  
一恐泥滯此慮將來之事百慮視安後、四、推、

危分明曩賢計言視安如危乃前  
賢慮患深遠之道茲理庶可廣拳拳期勿

替

○開、說、是、學、問、中、語、然、自、起、脫、

宿鑿石浦

邵注鑿石浦在今長沙府湘潭縣西趙子櫟譜登潭州泝湘宿鑿石浦過津口次空靈岸宿花石戍過衡山

早宿賓從勞

言以早宿故勞賓從之過訪

仲春江山麗飄風過無時舟

檝敢不繫

音計

迴塘澹暮色日沒眾星嘒

詩嘒彼小星注嘒微貌

闕月

殊未生

禮記月三五而盈三五而闕初三之月為哉生明闕未生必初二也

青燈死分隣

燈死無光故分夜色之陰翳張

煥語不嫌其直

潛云亦承上飄風來燈光為風掩抑也

窮途多俊異亂世少恩惠鄙夫亦放蕩

草草頻年

一作卒

歲斯文憂患餘聖哲垂彖繫

音係

李子德云忽發高言卻無理障。結語自負不淺安得僅以詩人目之

早行

歌哭俱在曉行邁有期程孤舟似昨日聞見同一聲

蔣云首四句一團早行中恍惚

飛鳥散一作數求食潛魚何一作亦獨驚宋注下詩又云白魚困密網黃鳥喧嘉音亦因楚人重魚不重

鳥故網罟獨密耳前王作網罟設法害生成碧藻非不茂高帆

終日征干戈異揖讓崩迫關一作開其情任昉表無任崩迫之情言人之避于戈一如魚

之畏網罟今碧藻可娛而征帆不能留玩正以世亂方殷中懷崩迫故不免觸物關情耳

過津口仇注當在衡山相近處

南岳自茲近。湘流東逝深。和風引桂楫。春日漲雲岑。

漲謂日光浮於雲上回首過津口。而多楓樹林。白魚困密網。黃鳥

喧嘉音。物微限通塞。惻隱仁者心。宋注言魚困鳥喧物之通塞雖異仁者則常懷惻隱

之心甕餘不盡酒。膝有無聲琴。晉書陶潛常蓄無絃琴一張聖賢兩寂寞。



眇眇獨開襟登樓賦向北風而開襟

王右仲云公在窮途遇風平舟利便自怡神知其胸中無俗物矣

次空靈岸蔡曰空靈當作空舫刀筆誤耳統志空舫岸在湘潭縣西一百六十里

邵云舟行佳境妙寫得出

泫泫逆素浪長楊賦泫泫沸渭落落展清眺幸有舟楫遲得盡

所歷妙空靈霞石峻張載賦霞石駁落朱注按湘中記湘中下見底石子如糲蒲白沙若霜雪赤崖若朝霞前詩朱

崖雲曰高此詩空靈霞石峻皆用記中語也楓枯隱奔峭書疏枯木名柏葉松身青春猶無私白

日亦偏照黃生注峭壁隱天故有白日偏照之語可使營吾居終焉託長嘯毒

瘴未足憂兵戈滿邊徼浦注如幽薊河湟皆是言南方雖多炎瘴猶勝北地兵爭也嚮者畱

遺恨畱遺恨恨未盡山水之勝也恥為達人誚迴帆覬賞延潘尼詩迴帆轉高岸歷日得延

李云水色山光情性有得故一

語道破讀書當

如是矣

賞佳處領其要

宿花石戍

唐書潭州長沙有淥口花石二戍一統志花石城在長沙府湘潭縣西一百六十里

午辭空靈岑夕得花石戍岸疏開闢水木雜古今樹

蔣云岸疏開闢水即浩浩自古古意自發人曠思遐感

水經注湘水又北逕三石山東山枕側湘川北即三石水口也水北有三石戍戍城為二水之會

地蒸南風盛春熱

西日暮四序本平分氣候何迴互茫茫天地間理亂

議

豈恆數

宋注言地蒸春熱寒暑平分之氣猶同互不齊何怪理亂之無常數耶

繫舟盤藤輪

補注輪疑即轉水之具即

下文所謂農器也盤藤謂久廢而藤盤其上

杖策古樵路罷人不在村

言昔

野圃泉

自注柴扉雖蕪沒農器尚牢固山東殘也

逆氣

謂河北諸降將

吳楚守王度

言叛地免累而順土厚斂也

誰能叩君門下令減征賦

宋注按唐

史大厯四年三月遣御史稅商錢時必吳楚為甚故末語云然

早發

浦注此因匆匆早發而為奔逐謀生之歎

有求常百慮斯文亦吾病以茲朋故多窮老驅馳併

浦注起四自明難合之故有求百慮即末四句意緣身繫斯文不肯為脂韋之態所以朋舊雖多而馳驅不止也

早行篙師怠

席掛風不正篙師怠正見迫促欲行風不正謂冒險放船也昔人戒垂堂今則奚奔

命左傳罷於奔命濤翻黑蛟躍日出黃霧映煩促瘴豈侵頽倚

睡未醒僕夫問盥櫛暮顏覲青鏡隨意簪葛巾仰慙

林花盛側聞夜來寇幸喜囊中淨艱危作遠客干請

傷直性薇蕨餓首陽粟馬資歷聘舊注蘇秦張儀歷聘六國諸侯皆以粟馬迎之賤

張云每於險阻中出此妙語

邵云干請傷直性五字真情苦

子欲適音的從疑誤此二柄。

二柄采薇及歷聘也韓非子有二柄篇借用其字言欲如夷齊抗節而甚難欲

效儀秦逢世而不可去就之際真靡所適從矣

### 次晚洲

何遜詩晚洲阻共入杜臆洲在湘潭

參錯雲石稠。陂陀風濤壯。

爾雅注陂陀不平也

晚洲適知名。秀色

固異狀。棹經垂猿把。身在度鳥上。

陰鑿詩度鳥息危檣二句言春水漲而船行高也

擺浪散帙妨。危沙折花當。

杜臆以當對妨乃便當之當謂花發沙前舟近折之為便也舊注以花當為花

根誤張遠注孔德紹詩逆浪取花難可以反証

羈離暫愉悅。羸老反惆悵。中原未解

兵。吾得終疏放。

恐不能安於樓隱也

湖南紀行詩較蜀道詩刻鍊少遜則年力衰壯之異而中多名言一味老氣境界又自不同。浦二田云秦州詩多節景生情此多撫時感事蓋涉歷愈

久則悲  
歎愈多

### 野望

納納乾坤大。裴遜之詩納納江行行郡國遙雲山兼五嶺

李云中三聯有遠近之分語語是野望移動不得

顧修遠曰末二句抱負甚大感慨甚深

元和郡國志晉懷帝分荊州湘中諸郡置湘州南以五嶺為限北以洞庭為界隋平陳改潭州取昭潭為名也裴淵廣州記天庾始安臨賀桂陽揭陽為五嶺

風壤帶三苗。書傳三苗之國左洞庭右彭蠡潭州圖經州為三苗國之南境野樹侵江闊春蒲

長雪消扁舟空老去無補聖明朝

入喬口。原注長沙北界一統志喬口鎮在長沙府城西北九十里

漠漠舊京遠遲遲歸路賒殘年傍水國落日對春華

杜臆句亦涉桑榆之感樹蜜早蜂亂。宋注按本草有石蜜木蜜陶隱居曰木蜜懸樹枝作之色青白樹蜜即木蜜也夢弼引古今注

黃白山云結語  
如見神色慘沮  
之意

木言鈔金 卷十九 三十  
非江泥輕燕斜賈生骨已朽悽惻近長沙  
賈生亦去國之人故近長沙而

益覺淒惻也

### 銅官渚守風

水經注湘水右岸銅官浦出焉方輿勝覽舊志楚鑄錢處一統志銅官渚在長沙府城北六十里

不夜楚帆落避風湘渚間水耕先浸草春火更燒山

漢武詔江南之地火耕水耨應劭曰燒草下水種稻草與稻俱生高七八寸因悉芟去復下水灌之草死稻獨長所謂火耕水耨

早泊雲

物晦逆行波浪慳

慳謂沮滯難行也

飛來雙白鶴過去杳難攀

未句守風之悶可想

### 岳麓山道林一寺行

元和郡國志岳麓山在長沙縣西南隔湘江六里方輿勝覽又名靈麓峯乃岳

山七十二峯之數自湘西古渡登岸夾徑喬松泉澗盤繞諸峯疊秀下瞰湘江岳麓寺在山上百餘級乃至下有李邕麓山寺碑又云道

林寺在岳麓之下  
距善化縣八里

玉泉之南麓山殊

隋煬帝集開皇十二年智顛禪師至荊州勅立玉泉寺宋注寺在麓山之北所謂玉泉之南麓山殊也

道林林壑爭盤紆寺門高開洞庭野殿腳插入赤沙

湖

二句言寺之綿亘高廣岳陽風土記赤沙湖在華容縣南夏秋水漲與洞庭湖通一統志赤沙湖在洞庭之西涸時惟見赤沙耳

五月

寒風冷佛骨

山深故夏寒

六時天樂朝香爐

阿彌陀經極樂土常作天樂晝夜六時天雨曼

陀羅地靈步步雪山草

姚察遊明慶寺詩地靈居五淨山幽寂四禪楞嚴經雪山大力白牛食其山中肥膩香草其糞

微細可和合旃檀

僧寶人人滄海珠

起信論一真如是性名佛寶二真如有執持義名法寶三真如有和合義名僧

寶譬喻經王舍國人欲作寺錢不足入海得名寶珠王洙注滄海珠言性圓明而無瑕類

塔劫

通級宮牆壯麗敵香

一作廚松道清涼俱

香廚香積廚也香積如來以一鉢盛香飯恆飽眾生

維摩經上方有國佛號

蓮池一作花

交響共命鳥

阿彌陀經極樂國土有七寶池池中蓮花大如車輪又有伽陵頻伽共命之鳥晝夜六時出和雅音寶藏經雪山有

鳥一身二頭識神各異同共報命曰共命

金榜雙迴三足鳥

言金榜照耀日鳥為之迴光也

方丈涉海

費時節

天台賦涉海則有方丈蓬萊

元圃尋河知有無

張騫傳贊禹本紀言河出崑崙自騫使大夏之

後窮河源惡睹所謂崑崙崑崙者乎元圃即崑崙

暮年且喜經行近春日兼蒙暄暖扶

飄然斑白身奚適傍此烟霞茅可誅

言方丈元圃恍惚難到不若此地之近而可居

桃源人家易

去聲

制度

言構廬便易

橘洲田土仍膏腴

震字記橘洲在

長沙縣西南四里江中時有大水洲渚皆沒此洲獨存湘中記謠云昭潭無底橘洲浮

潭府邑中甚滄古

唐書潭州長沙

郡屬江南西道為中都督府

太守庭內不喧呼

四句兼述風土民俗之美

昔逢衰世皆晦

跡謂古人之避世者

今幸樂國養微軀依止老宿亦未晚富貴



功名焉足圖。久為謝客尋幽憤。

異苑靈運生於會稽其家以子孫難得送於錢塘杜明師養之

十五方還故曰客兒宋書謝靈運為永嘉太守性好山水肆意遊遨嘗於南山伐木開徑直至臨海

細學周

舊作何誤

顛免興

孤

周顛注見十卷

一重一掩吾肺腑

仇注一重一掩言山容稠疊

山鳥山花吾

一作共

友于宋公放逐曾題壁

原注之問也宋之問傳睿宗立詔流欽州朱注欽州屬嶺南宋必道經長沙故有詩

題寺壁按宋之問集有高山引攀雲窈窕今上躋懸峰長路浩浩今此去何從水一曲兮腸一曲山一重兮悲一重松檟邈已遠友于何言逢况滿室兮童稚

攢眾慮於心胷天高難訴今遠負明德卻望咸京今揮涕龍鍾公詩多用其語疑此即放逐題壁之詩楊用修謂宋詩今已失傳非也

物色

分畱

一作待

與老夫

邵子相云排比綿麗子美七古此又為變調蓋永叔子瞻之濫觴也前半述二寺之勝後半思欲結廬終老一氣抒寫如珠走盤所謂文如翻水

成初不用意為者足以見公詩境之愈老而愈熟

清明二首

七排聯備一體

元白頗祖其風

詞

朝來新火起新烟。

舊注唐制清明日賜百官新火

湖色春光淨客船。

首句見時次句

見地繡羽銜一作銜

花他自得。

鮑照芙蓉賦耀繡羽以晨過

紅顏騎竹我無緣。

世說桓溫少時與殷浩共騎竹馬

胡童結束還難有。

仇注楚雜苗蠻故有胡童之服

楚女腰肢

亦可憐。

漢章帝紀馬廖引傳曰楚王好細腰宮中多餓死

不見定王城舊處。

漢書長沙定王發以

孝景前二年立二十八年薨水經注高祖封吳芮為長沙王城即芮築景帝二年封唐姬子發為王都此

長懷賈傅井依然。

盛宏之荆州記涪州南市之東有賈誼宅宅中有井上斂下大狀似壺即誼所穿也井旁有局脚食牀可容一人坐形制甚古

虛雷周舉

為寒食。

後漢周舉傳舉遷并州刺史舊俗以介子推焚骸至其亡月咸言神靈士民每一月寒食莫敢烟爨老小不堪歲多死者舉作書置

子推廟言去火殘損民命非賢者之意以宣示愚民於是風俗頗革中記并州俗冬至後一百五日為子推斷火冷食三日實藉君平

賣卜錢。二句言火禁雖開而囊空足患也鐘鼎山林各天性。濁醪麤飯任

吾年。

此身飄泊苦西東。右臂偏枯半耳聾。寂寂繫舟雙下

應右臂枯。

淚悠悠。伏枕左書空。十年蹴鞠將雛遠。漢藝文志蹴鞠二十五篇注鞠以韋

為之實以物蹴蹋為戲樂也宗懷歲時記寒食有打球鞦韆施鉤之戲打球即蹴鞠也萬里鞦韆習俗同。古今藝

綵繩懸木立架士女坐立其上推引之謂之鞦韆一云當作千秋本出漢宮祝壽詞後人倒讀又易其字為鞦韆耳旅雁上雲歸

紫塞。家人鑽火用青楓。春取榆柳之火用青楓亦見異俗秦城樓閣烟。一作鶯

花裏。漢主山河錦繡中。春去一作風水春來洞庭闊。白蘋愁

殺白頭翁。

劉夢得嘉話賞

此末二句以

味可及

北詩竟全

卷十九

五十二

前首從湖南風景敘起說到自家後首從自家老病說起結到湖南亦見迴環章法

### 發潭州

夜醉長沙酒。曉行湘水春。岸花飛送客。檣燕語留人。

魏道神詩話子美潭州詩岸花飛送客二句以興喪亂之際人無將迎曾不若岸花檣燕也

賈傅才未有。褚公書

絕倫。唐書褚遂良工隸楷高宗時為右僕射諫立武昭儀為后左遷潭州都督

名高前後事。回首一傷

神。

洪仲曰三四託物見人五六借人形已俱於言外寓意具見含蓄

### 北風

原注新康江口信宿方行宋經注晉改益陽曰新康沈注公自潭之衡於北風為順故喜而有作

春生南國瘴。氣待北風蘇。向晚霾殘日。初宵鼓大鑪。

劉須溪云使晚  
唐諸人作北風  
詩形容蹇縮定  
不爾有豪意

胡夏客曰末二  
寫舟行有興

前半完題後半  
又作因敗為功  
想

夾攜卑溼地賈誼傳長沙卑溼聲拔洞庭湖萬里魚龍伏三吏

鳥獸呼滌除貪破浪愁絕付摧枯北魏杜弼檄文摧枯朽者易為力此言大風拔木亦

執熱沈沈在凌寒往往須且知寬病肺不敢恨姑聽之而已

危途再宿煩舟子衰容問僕夫熱解病蘇衰容當有起色也今晨非盛

怒風賦盛怒於土囊之口便道即長驅隱几看帆席雲山湧坐隅

雙楓浦方輿勝覽青楓浦在潭州瀏陽縣名勝志縣有八景楓浦漁樵其一

輟棹青楓浦雙楓舊已摧自驚衰謝力不道棟梁材

浪足浮紗帽浮紗帽言浪之高也上句言浦下句言楓仇注太鑿皮須截

錦苔錦苔楓皮有苔江邊地有主暫借上天迴趙曰末語用乘槎事宋注按異

上持卷全

苑鳥傷陳氏女未醮著履徑上大楓樹巖了無危怖舉手辭訣家人而去飄聳輕越移時乃沒暫借上天迴當即用楓樹事也

### 詠懷二首

四句總挈兩章

大意以下總言

欲濟時而不能

當藏身以遠去

也○意思鬱結

故詩體亦復如

之

人生貴是男

列子榮啟期曰男尊女卑故以男為貴吾既得為男一樂也

丈夫重天機

莊子嗜欲深者

天機淺公詩出處各天機謂當任其自然也

未達善一身得志行所為嗟予竟軼

軻將老逢艱危胡雛逼神器逆節同所歸指附賊者河洛化

為血公侯一作卿草間嗚西京復陷沒翠蓋蒙塵飛萬姓

悲赤子謂如赤子之悲號兩宮棄紫微謂元肅出奔倏忽向二紀奸雄

多是非又統言諸叛亂之徒本朝再樹立未及貞觀時日給在軍

語帶渾融

儲上官督有司高賢迫形勢豈暇相扶持疲茶苟懷

此章追述世亂見所以不能得忘行所為處

策。棲。屑。無。所。施。

北史裴駿傳駿從弟安祖人勸其仕進安祖曰高尚之事非敢庶幾但京師遠遠實增於棲屑耳此注向未引

及言軍興賦重時賢不能扶持邦本公有其心而權又不屬也

先王

朱云疑作先皇

實罪已

肅宗即位後以寇孽未平屢下罪己之詔

愁。痛。正。為。茲。歲。月。不。我。與。蹉。跎。病。於。斯。夜。看。艷。城。氣。

回。首。蛟。龍。池。

謂壯心不已

齒。髮。已。自。料。意。深。陳。苦。詞。

邦。危。壞。法。則。聖。遠。益。愁。慕。飄。飄。桂。水。遊。

朱注元和郡國志桂江一名灕水經臨桂

縣東按灕水與湘水同出今桂林府興安縣海陽山灕南流而湘北流灕水又名桂水公時未嘗至桂林而此云飄飄桂水遊他詩又云桂江流向北滿眼送

波濤蓋湘水自臨桂而來亦得稱桂水也

悵。望。蒼。梧。暮。

山海經注長沙零陵古者總名其地為蒼梧

潛。魚。不。銜。

鉤。

文賦若游魚銜鉤而出重淵之深

走。鹿。無。反。顧。

二句言物亦知見幾遠害

皦。皦。幽。曠。心。拳。

拳。異。平。素。

陶潛傳吾不能為五斗米折腰拳拳向鄉里小兒

衣。食。相。拘。閔。

同朋。知。限。

流寓以己之避難奔走不得遂平生幽曠之志曾潛魚走鹿之不若也風濤上春沙十里浸江

樹逆行少吉日時節空復度時方值清明井竈任塵埃舟航

煩數具牽纏加老病瑣細隘俗務萬古一死生胡為

足名數足名數言求足於名數也多憂汚桃源謂有愧於桃源中人欲往從而恐汚之也拙計泥去聲

銅柱按衡州亦有吳程普所建銅柱非必馬援所立未辭炎瘴毒擺落跋涉懼虎狼

窺中原焉得所歷住葛洪及許靖避世常此路葛洪為句漏令

後止羅浮山蜀訂靖傳孫策渡江走交州以避其難靖至交州太守士燮厚相敬待王朗與靖書曰足下周遊江湖以暨南海歷觀夷俗可謂至矣賢

愚誠等差賢愚謂許葛及己自愛各馳驚羸瘠且如何魄奪鍼

灸屢皇甫謐有鍼灸經擁滯僮僕慵稽留篙師怒終當掛帆席

李子德云與萬古一骸骨二句參看彼曠此悲

邵云杜子美暮

年思為嶺南之

遊也亦總是無

聊寄託



此章專敘行蹤  
見猶思以未達  
善一身處

天意難告訴南為祝融客南方其神祝融勉強親杖屨結託老

人星羅浮展衰步身若內傳羅浮之洞周圍五  
百里名為朱明曜真之天

望岳水經注衡山山海經謂之岫嶺山南岳也山下有舜廟南有  
祝融冢徐靈期南岳記南岳周回八百里河雁為首岳麓為

足浦注衡山在潭  
州之南衡州之北

南岳配朱鳥漢天文志南宮朱鳥權衡漢書索隱南宮赤帝其  
精為朱鳥湘中記度應權衡位值離宮故曰衡山秩禮

自百王歛吸領地靈歛吸猶言神  
異恍惚之意鴻洞半炎方淮南子鴻濛洞  
洞莫知其門言

山形綿亘  
數百里邦家用祀典在德非馨香巡狩何寂寥有虞

今則亡舜典五月南巡  
狩至於南岳汨吾隘世網行邁越瀟湘渴日絕

壁出渴日猶渴虹之渴蔣云深山少日絕壁最高故  
日照其上日影倒映水中如飲水然故曰渴漾舟清光旁此望前景

龜筆典重

何云寫望字參  
差靈變之極

注衡山東南二面臨映湘川自長沙至此江湖七百里中有九向九背祝融故漁歌曰帆隨湘轉望衡九面拾遺記皇娥歌曰乘桴輕漾著日旁

五峯尊峯峯次低昂紫蓋獨不朝爭長巖相望長沙記

山軒翔聳拔九千餘丈尊卑參次七十二峯最大者五芙蓉紫蓋石廩天恭

聞魏夫人羣仙夾翱翔南岳魏夫人傳夫人名華存字賢安晉司徒魏舒之女適南陽劉文幼而好道味真

耽元忽太極真人授以黃庭內景經令晝夜存念遂得冥心齋靜真靈累感凡

王右仲云散風  
如飛霜說得神

君授夫人王札金文位為紫虛元君有時五峯氣散風如飛霜牽迫

靈颯然

限修途未暇杖崇岡杖崇岡言策杖崇岡也歸來覬命駕沐浴休玉

堂吳都賦玉堂對雷石室三歎問府主策注府主指岳神曷以贊

我皇牲璧忽衰俗神其思降祥因山有神祠故以降祥

以祀岳作結并

帝憂時意

鍾伯敬云岱宗喬岳若着山水清妙語與景狀奇壯語便是一邱一壑文人登臨眼孔此詩靈光縹緲意度肅穆有郊壇登歌氣象恰與題稱白是大手筆不同○黃白山云衡華岱皆有望岳詩岱以小天下立意華以問真源立意衡以修祀典立意指趣各別此作尤見本領文士無其學儒者無其才固當獨有千古

# 衡山送李大夫七丈

勉赴廣州

唐書衡州衡陽郡屬江南西道宋注季勉自江

西觀察使入為京兆尹兼御史大夫大曆三年十月拜廣州刺史充嶺南節度使此詩應是四年春作

李云冠冕沈雄足與偉人相副

○二○ 斧○鉞○下○青○冥○樓○船○過○洞○庭○

盧注時嶺南番帥馮崇道與桂州朱濟時叛朝廷遣勉討之

○承○ 北○風○

○二○ 隨○爽○氣○

南方卑溼借此言救時意

○承○ 南○斗○避○文○星○

仇注文星本在北斗宮李自北至南故南斗應避之

○二○ 日○月○

句意悲而語仍壯

籠○中○鳥○乾○坤○水○上○萍○

日月之長但如籠鳥乾坤之大止作浮萍二句即自述垂老飄零之狀方回云日月年年也乾

○王○孫○丈○人○行○

叶音項

○垂○老○見○飄○零○

籍句不說出望  
援意高

坤處也

酬郭十五判官

受。唐詩紀事郭受大厯間為衡陽判官此詩當是自衡將回潭時作末二句蓋和詩而兼以

贈別也舊注俱未明

王西樵云輕便

開南宋以後詩

才微歲老尚虛名。臥病江湖春復生。藥裹關心詩總

廢。花枝照眼句還成。

藥裹承臥病花枝承春生

只同燕石能星隕。

韓非子宋之愚

人得燕石於梧臺之側藏之以為大寶周客聞而觀焉掩口笑曰此燕石也與瓦甃等左傳隕石於宋五隕星也

自得隋

一作隨

珠覺

夜明

搜神記隋侯出行見大蛇被傷中斷使人以藥封之歲餘蛇銜明珠以報珠盈徑寸夜有光明可以燭室燕石喻己之詩隋珠喻郭之詩也

喬口橘洲風浪促。

喬口橘洲注俱見前

繫帆何惜片時程。

言此去歸帆甚便特

以知己相逢不能無戀戀耳

仇滄柱云集中酬答諸詩皆據來詩和意語無泛設如此章首句酬舊德次句酬江湖三四酬新詩春興五六酬衡陽紙價七八酬天闊風濤及蓮葉操

舟逐句酬答卻能一  
氣貫注所以為佳

附 杜員外垂示詩因作此寄上 郭 受

新詩海內流傳遍。舊德朝中一作中朝屬望勞。郡邑地卑

饒霧雨。江湖天闊足風濤。松醪酒熟旁看醉。蓮葉

舟輕自學操。邵注蓮葉小舟也太乙真人乘蓮葉舟春興不知凡幾首。衡陽

紙價頓能高。世說庾闡作揚都賦成人競傳寫都下為之紙貴

回棹。黃曰舊編大厯五年作然詩中不言減玠之變當是四年至衡州畏熱復回棹欲歸襄陽不果而竟留於潭也

宿昔試安命。自私猶畏天。勞生繫一物。趙注勞生之人不免繫着一物即前詩所

云衣食相拘闕也。為客費多年。仇注起四作自咎語言素知安於義命故雖欲自營身計終不敢枉道以徇人今以謀生之故

而奔走道途深愧其不能安命矣

衡岳江湖大。蒸池疫癘偏。

元和郡國志衡陽城東傍湘江北背

蒸水震字記云其氣如蒸

散才嬰薄俗。有跡負前賢。

朱注有跡言未能絕跡而遊也

巾拂那

關眼瓶罍易滿船。

張潛注巾拂所以修容在舟中放曠故不復用之惟多飲酒以解愁耳

火雲滋

垢膩凍

音東雨裒沈綿。

爾雅凍雨乃夏日暴雨言晴雨皆帶鬱蒸也

強飯蓴添滑端

居茗續煎。

蓴羹性寒茗飲解熱

清思漢水上涼意峴山巔。順浪翻

堪倚。

自衡回潭為下水故曰順浪

迴帆又省牽。吾家碑不昧。

晉書杜預平吳後刻二碑紀績

一立萬山之上。一沈萬山下。潭中曰焉。知此後不為陵谷乎。

王氏井依然。

王粲井注一見八卷

几杖將衰

齒茅茨寄短椽。灌園曾取適。

高士傳陳仲子辭楚相與其妻為人灌園

遊寺可終

焉。

南史梁劉慧斐嘗遊匡山遂有終焉之志因居東林寺於山北構園一所號離垢園

遂性同漁父。成名異


魯連

趙曰滄浪漁父隱不求名仲連卻秦軍下燕城雖不受封猶為取名者故曰異魯連

篙師煩爾送朱夏

及寒泉

二句結出回棹





杜詩鏡銓卷二十

大厯中公居湖南欲北還作

湘江宴餞裴二端公赴道州

裴虬也。涪溪觀唐賢題名裴虬字深源大厯四年為

著作郎兼侍御史道州刺史通典唐侍御史號為臺端他人稱之曰端公

從宴敘起

白日照舟師朱旗散廣川

宋注舟師朱旗謂迎候儀從

羣公餞南伯

道州在南

方故曰南伯

肅肅秩初筵。鄙人奉末眷。佩服自早年。義均骨

肉地。懷抱罄所宣。盛名富事業。

裴指

無取愧高賢。

指自不

以喪亂嬰保愛金石堅。

謂交情如舊也

計拙百寮下。

百寮謂候送者

氣蘇

君子前。會合苦不久。哀樂本相纏。交遊颯向盡。宿昔

浩茫然。促觴激萬慮。掩抑淚潺湲。熱雲集。曛黑缺月

此段敘交情

張云二句寫出三伏宴飲之苦

未生天白團為我破白團團扇也何遜詩逶迤搖白團華燭蟠長烟。鴉鵲

催明星朱注鴉鵲二鳥名鴉即鴉鵲注已見前鴉乃鴉鵲注求旦之鳥也解袂從此旋。

上請減兵甲。下請安井田。永念病渴老。附書遠山巔。

道州先經西原蠻寇掠元結為守稍安戢裴繼元之後故以裁兵安農告之此當時靖亂之要道也

哭韋大夫之晉浦注之晉為湖南觀察大厯四年自衡遷潭時蓋卒於潭也前有送韋中丞之晉赴湖南詩見

十八卷朱注之晉在湖南加御史大夫常袞撰制見文苑英華

悽愴郇瑕邑一作地左傳晉人謀去故絳諸大夫曰必居郇瑕氏之地一統志在今平陽府猗氏縣差池弱冠

年差池謂肩相隨也丈人叨禮數。文律早周旋言弱冠之時得交臺

閣黃圖裏江總賦覽黃圖之棟宇蓋指昔在京師時簪裾紫蓋邊句指今在湖南紫蓋乃南岳峯之大者嶽跨瀟

勉裴結

此段借別

首敘舊誼因稱  
韓之賢

衡之尊榮真不忝端雅獨翛然韋想以風度勝貢喜音容間謂公向與韋蹤

跡相馮招疾病纏左思詠史馮公豈不偉白首不見招南過駭倉卒謂今至潭哭韋北思

悄聯綿思昔在北相聚鵬鳥長沙諱犀牛蜀郡憐華陽國志秦李冰為蜀郡太守作五

犀牛以厭水精蜀人慕之名其里為犀牛里公在夔送韋詩峽內憶行春韋蓋先為蜀中太守素車猶慟哭後漢書范式字巨卿

少與張劭為友劭死式夢而赴焉劭葬日其母望見素車白馬號哭而來曰必巨卿也寶劍欲高懸漢道中興

盛韋經亞相傳韋賢少子元成復以明經為相故曰亞相沖融標世業磊落映時

賢此言韋有令子城府深朱夏江湖眇霽天綺樓關樹頂古詩西北有高

樓交疏飛旒泛堂前邵注旒銘旌也寡婦賦飛旒翩以啟路帟音幕旋風燕王融曲水詩序

帟幕高懸釋名帟小幕也在上曰帟笳簫咽一作急暮蟬興殘虛白室續賦棄虛白之室歸長夜之臺

此段敘韋歿而  
喜其有後

此段因哭韋於

喪次故記其所見

宋段自傷兼惜鞏之難繼也

跡斷孝廉船。用張憑事鞏想曾訪公於舟次故云童孺交游盡。喧卑俗事牽。

老來多涕淚。情在強詩篇。誰繼方隅理。盧思道集內靖方隅外康庶績朝

難將帥權。韋時充湖南都團練守捉觀察處置等使故曰將帥權春秋褒貶例。名器重雙

全。左傳惟名與器不可以假人名以德言器以位言雙全謂德不愧其位也

### 江閣臥病走筆寄呈崔盧兩侍御

客子庖廚薄。江樓枕席清。衰年病祇瘦。長夏想為情。

滑喜一作憶雕菰飯。香聞錦帶羹。宋注錦帶即葶絲也本草作蕪或謂之錦帶生湖南者最美蒲

匙兼煖腹。誰欲致杯罍。顧注潘匙總承飯羹乃已所自有煖腹指酒兼致盃罍則有望於兩侍御也

### 潭州送韋員外 迢 牧韶州 韶州屬嶺南道

何云此種詩淡而有味

炎海韶州牧。風流漢署郎。分符先令望。同舍有輝光。

公與韋同官員外郎

白首多年疾。秋天昨夜涼。

仇注想是立秋次日

洞庭無過

雁書疏莫相忘。

附潭州留別杜員外院長

韋迢

韋詩亦佳

江畔長沙驛。相逢纜客船。大名詩獨步。小郡海西

偏地溼愁飛。鵬謂杜在潭

天炎畏站鳶。

謂已往韶注見十六卷

去留俱失

意把臂共潜然。

酬韋韶州見寄

養拙江湖外。朝廷記憶疏。深慙長者轍。重得故人書。

都云可見古人酬答取意不取

白髮絲難理。新詩錦不如。雖無南過雁。看取北來魚。

蔡曰答韋無南雁之句蓋謂雁不過衡陽而瀟湘北流也

李子德云養拙句答故人湖外客朝廷句答白首尚為郎次聯上句敘前下句重寄五六又分頂上二聯結正答韋末句結構最密而詞意能寬然有餘

附 早發湘潭寄杜員外院長 韋 迢

北風昨夜雨。江上早來涼。楚岫千峰翠。湘潭一葉黃。故人湖外客。白首尚為郎。相憶無南雁。何時有報章。

樓上

天地空搔首。頻抽白玉簪。皇輿三極北。

仇注地有四極皇輿在東西南之北

李云語淡而雄。雄而悲於此見。

大家身分

故云持借用  
易經三極字

身事五湖南戀闕勞肝肺論一作論材愧杞相亂

離難自救救人更無望矣終是老湘潭

千秋節有感二首

舊書元宗紀開元十七年八月癸亥上以  
降誕日宴百僚於花萼樓下百寮表請每

年八月五日為千秋節天下諸州咸令宴樂休  
假三日仍編為令通鑑仍又移社日就千秋節

仇云首章敘崩  
後節日乃傷今

思昔之懷

自罷千秋節頻傷八月來先朝嘗宴會壯觀已塵埃

鳳紀編生日

鳳紀注見二卷

龍池塹劫灰

龍池乃王氣所鍾今亦蕪沒也劫灰注見十六卷

湘

川新涕淚秦樹遠樓臺寶鏡羣臣得

玉海舊紀元宗以千秋節賜四品以上金鏡珠

囊又有賜羣臣鏡詩

金吾萬國迴

信禁軍不復待衛故散而回萬國也後漢百官志執金吾緹騎二百人應劭注執金革以禦非

常吾猶禦也亦以元宗改羽林軍為龍武軍故云二句亦分今昔之感

衢尊不重飲

淮南子聖人之道其猶中衢而置樽耶過

者斟酌多少不白首獨餘哀

御氣雲樓敞含風綵仗高仙人張內樂注見十卷王母獻

宮桃漢武內傳王母命侍女索桃七枚大如鴨子形色正青以四枚啗帝自食其三指貴妃諸姨等饋食羅襪紅蕖豔

洛神賦凌波微步羅襪生塵金羈白雪毛曹植詩白馬飾金羈舞階銜壽酒通鑑明皇教舞馬白

匹銜杯上壽走索背秋毫西京賦跳丸劍之揮霍走索上而相逢通典注舞繩者兩妓女各從一頭上對舞行於繩上相逢比

肩而不傾此言兩人背走索上不爽秋毫也唐實錄開元二十四年八月千秋節御廣運樓宴羣臣奏九部樂內出舞人繩技班賜有差聖主他

年貴言以驕盈召亂邊心此日勞桂江流向北滿眼送波濤

奉贈盧五丈參謀琚原注時丈人使自江陵在長沙待恩旨先支率錢米宋注唐書元帥副元帥府

有行軍參謀關豫軍中機密盧蓋江陵帥府參謀也

次章敘生前節日乃樂極悲來之感○李云正於華郁處見其蒼涼初唐人慣用此法  
張云言竭奢淫於他年實開禍端於今日二句  
追溯亂源意極悲慨而語復含蓄



恭惟同自出

自出注見十九卷同自出蓋參謀之母與公母皆崔氏也

妙選異高標

世說李元禮高自標持言

非徒高聲氣也

入幕知孫楚

孫楚注見一卷

披襟得鄭僑

王僧孺序道合神遇投分披襟左傳季札聘鄭

見子產如舊相識

丈人藉才地門闕冠雲霄老矣逢迎拙相於

首段先敘交情

契託饒

相於注見十六卷

賜錢傾府待

府謂長沙

爭米駐船遙鄰好艱

難薄毗心杼柚焦

朱注時必有長沙錢米應輸江陵者虛爲之請旨支給本郡言不能多給鄰邦者實以民心焦嗷故也

次記支率錢米事

客星空伴使

客星自謂恨不能贊成其美

寒水不成潮

句借言民困莫蘇意

素髮乾

垂領銀章破在腰

謂隨身魚袋

說詩能累夜醉酒或連朝藻

此記長沙相遇亦承客星句下

翰惟牽率

謝瞻答靈運詩牽率酬嘉藻

湖山合動搖

即太白詩興酣落筆搖五岳意

時清非

造次興盡卻蕭條天子多恩澤蒼生轉寂寥休傳鹿

此以盡  
仍跟次段意

是馬史記趙高持鹿獻於二世曰莫信鵬如鴉鵬鳥賦序鵬似鴉不祥鳥也句謂毋任奸吏以

虐民宋注時盧待恩旨公恐其奉行未至故以此戒之未解依依袂還斟泛泛瓢周禮酒有五齊

一曰泛齊注泛者成而浮澤泛泛然酒德頌操觚飲瓢流年疲蟋蟀詩蟋蟀在堂歲聿其莫體物幸鷓鴣

張華有鷓鴣賦張潛注體物謂曲體物理一枝可以自安孤負滄洲願誰云晚見招晚見招即用馮唐事

二句言已處不成處出不成出只可以救世事業望之盧公耳

### 惜別行送劉僕射判官

集外詩見陳浩然本又見文苑英華宋注按唐制僕射下宰相一等

時蓋劉之主將加此官而劉為其屬也按僕射當指山南東道節度使梁崇義劉判官括馬至此公與相晤而贈之

聞道南行市駿馬不限匹數軍中須襄陽幕府天下

異唐書襄州襄陽郡山南東道節度所治主將儉省憂艱虞祇收壯健勝平聲鐵

未惜別而自敘  
已懷

○甲○豈○因○格○鬪○求○龍○駒○而○今○西○北○自○反○胡○騏○驎○蕩○盡○一

匹○無○盧注唐先時張萬歲王毛仲養馬蕃息自祿山陰選善馬驅歸范陽馬政遂廢龍○媒○真○種○在○帝○都○子

○孫○未○落○東○南○隅○浦注以外無龍種曉之亦以尊王室而抑藩服也四句總言馬之難市向○非○從○事○備

征○伐○君○肯○辛○苦○越○江○湖○江○湖○凡○馬○多○顛○顛○衣○冠○往○往

一○層○乘○蹇○驢○梁○公○富○貴○於○身○疏○號○令○明○白○人○安○居○俸○錢○時

散○士○子○盡○府○庫○不○為○驕○豪○虛○朱注史稱崇義以地編兵少法令最治折節遇士自振襄漢間所稱

正與此合以○茲○報○主○寸○心○赤○氣○卻○西○戎○迴○北○狄○羅○網○羣○馬○藉

澆、句馬○多○意○在○驅○除○出○金○帛○劉○侯○奉○使○光○推○擇○滔○滔○才○略

滄○溟○窄○杜○陵○老○翁○秋○繫○船○扶○病○相○識○長○沙○驛○強○梳○白

梁公四句申儉省艱虞以茲四句申從事征伐

髮提胡盧盛酒器手把菊花路旁摘九州兵革浩茫茫三

歎聚散當重陽當杯對客忍流涕不覺老夫神內傷

浦二田云考史廣德初梁崇義從來瑱鎮襄陽瑱誅自立為帝後代宗不能討因拜山南東道節度使至德宗建中二年卒以拒命為李希烈所誅則崇

義臣節已失括馬豈無異志此詩蓋以諷也前半語語似為辨白正語語消其異情結處曰兵革茫茫曰對客神傷意中正有欲言而不可明言者在

### 重送劉十弟判官

分源豕韋派左傳晉蔡墨曰陶唐氏既衰其後有劉累學擾龍於豢龍氏事孔甲以更豕韋之後言劉與杜同出陶唐之後也

別浦雁賓秋月令季秋之月鴻雁來賓年事推兄忝劉孝標書年事適盡容髮衰謝人才覺

弟優經過辨艷劍意氣逐吳鉤垂翅徒衰老後漢馮異傳始雖垂翅

先鞭不滯畱劉琨書常恐祖生先吾着鞭本支凌歲晚凌猶遇高義

給終能奮冀灑池

張、云、客、邊、真、景。

豁窮愁他日臨江待長沙舊驛樓。  
祝其回時復相會也

登舟將適漢陽。  
浦注此仍欲歸襄漢與同悼詩同旨亦欲行而未果之作也

春宅棄汝去。  
朱注公以四年二月到潭因居焉故曰春宅 秋帆催客歸庭蔬猶在。

眼浦浪已吹衣生理飄蕩拙有心遲暮違中原戎馬

盛遠道素書稀塞雁與時集檣烏終歲飛鹿門自此

往永息漢陰機。  
莊子漢陰丈人曰有機械者必有機事有機事者必有機心

湖南送敬十使君適廣陵。  
朱注公追酬高蜀州人日詩序有昭州敬使君超先當即其人

也唐書揚州廣陵郡屬淮南道

相見各頭白其如離別何幾年一會面今日復悲歌。

李云塞雁有春秋之期檣烏乃終歲不息其所感深矣

都云四句一氣甚足情致

少長樂難得歲寒心匪他。歲寒謂年暮氣纏霜匣滿冰置玉

壺多。烈肝腸如雪也遭亂實漂泊。自濟時曾琢磨敬形

容吾較老膽力爾誰過秋晚岳增翠風高湖湧波騫

騰訪知己淮海莫蹉跎。書淮海維揚州

晚秋長沙蔡五侍御飲筵送殷六參軍歸澧州

覲省

佳士欣相識慈顏慰遠遊甘從投轄飲。投轄事注見十九卷肯作

致。一作書郵。世說殷羨為豫章太守將附書百許函悉擲水中曰沈者自沈浮者自浮殷洪喬不能作致書郵黃生注前有送侍御四舅之

高鳥黃雲暮。古樂府黃雲暮四合高鳥各分寒蟬碧

五羨殷六悲己二句補寫晚秋

澧郎詩疑即致書於此人也

高鳥黃雲暮

古樂府黃雲暮四合高鳥各分飛寄語遠遊子月圓胡不歸

寒蟬碧

景有寓意

樹秋湖南冬不雪吾病得淹留

末二句即書中語強作好懷以慰家人也

送盧十四弟侍御護韋尚書靈櫬歸上都三十

四韻

盧為公祖母族韋尚書即之晉

素幙渡江遠朱幡登陸微

鶴注朱幡指部曲候送之旗幡登陸微謂不及生時顯赫也

悲鳴

○下○

○筆○當○有○悲○風○起○於○天○末

駟馬顧失涕萬人揮參佐哭辭畢門闌誰送歸從公

伏事久之子俊才稀長路更執紼

禮記助喪者必執紼左傳注紼輓索也

此心

猶倒衣感恩義不小懷舊禮無違

言侍御感韋舊恩故護櫬而歸墓待龍

牽○上○搭○下

驤詔

龍驤注見十四卷

臺迎獬豸威

舊唐書輿服志法冠一名獬豸冠以鐵為柱其上施珠兩枚為獬豸之形左右

御史臺服之

深衷見士則

世說陳仲舉言為士則行為世範

雅論在兵機戎狄乘

妖氣塵沙落禁闈。指前吐蕃陷京事往年朝謁斷他日掃除非。

謂用程元振魚朝恩輩但促銅壺箭。陸陞漏刻銘銅史司刻金徒抱箭休添玉帳旗動詢。

黃閣老肯慮白登圍。漢匈奴傳高帝至平城冒頓縱精兵三十萬圍帝於白登七日括地志朔州定襄縣本漢平城

縣東北三十里有白登山山上有臺萬姓瘡痍合。謂既有吐蕃復有藩鎮羣兇嗜慾肥。孔融書羣兇破

探原之論刺規多諫諍端拱自光輝儉約前王體風流後代

希。言當希法前王也舊作稀韻複對敷揚期特達衰朽再芳菲。宋注戎狄至此皆感歎時事但

促銅壺箭休添玉帳旗言天子但當早朝勤政無事添兵苑中即復愁詩由來

憂也羣兇嗜慾肥言河北諸降將也刺規以下言當納諫諍希儉約以圖上理

即前不過行儉德盜賊本王臣及借問懸車守何如儉德臨意上云往年朝謁斷下云衰朽再芳菲歎己之不得歸朝而期侍御以此入對也空裏愁書字山中疾采薇撥杯

中段以直諫勉  
庶皆歸朝後事



未敘別情有黯  
然魂消之致

要平聲忽罷狂臆撥杯謂撥棄不飲抱被宿何依眼冷看征蓋兒扶立

釣磯清霜洞庭葉故就別時飛楚詞洞庭波兮木葉下

蔣弱六云草野孤忠借題發意真擊動人乃爾

蘇大侍御渙靜者也、旅於江側、不交州府之客、

人事都絕久矣、肩輿江浦、忽訪老夫舟楫而已、

閻若璩曰當作已而茶酒內、余請誦近詩、肯吟數首、才力素

壯、辭句動人、接對明日、憶其湧思、雷出書篋、几

杖之外、殷殷畱金石聲、賦八韻、記異亦見老夫

傾倒於蘇至矣。黃鶴本題作蘇大侍御訪江浦賦八韻記異以此題為序保注題云八韻而詩止七韻疑八字

誤或詩脫一聯唐藝文志蘇渙詩一卷渙少喜剽盜善用白弩巴蜀商人苦之號白跣以比莊躡後折節讀書進士及第湖南崔瓘辟從事瓘

遇害渙走交廣與哥舒晃反伏誅南都新書渙有變律詩十九首上廣帥李公唐人謂渙詩長於諷刺得陳拾遺一鱗半甲

龐公不浪出蘇氏今有之再聞誦新作突過黃初詩

黃初七子魏文帝時詩人乾坤幾反覆揚馬宜同時今晨清鏡中勝食

齋房芝見十四卷余髮喜卻變白間生黑絲朱注言聞蘇所誦詩勝於餐芝

引年故對鏡而覺白髮之變黑也昨夜舟火滅湘娥簾外悲百靈未敢散

風破一作浪寒江遲浦注前夜必風浪昏黑故有末四句

卽詩成泣鬼神  
意寫殷殷畱金  
石聲之妙尤入  
神境

盧德水云杜先請蘇渙誦詩又賦詩贈渙真傾倒於蘇至矣及考蘇之為人起手結局幾於龍蛇起陸子美既目為靜者又目為白起繩尺原自井然其

不交州府而獨肩輿訪杜其人固卓詭而具心眼者子美所以記異也

暮秋枉裴道州手札率爾遣興寄遞近呈蘇渙

侍御

久客多枉友朋書素書一月凡一束虛名但蒙寒暄

問泛愛不救溝壑辱齒落未是無心人舌存恥作窮

途哭史記張儀為楚相笞掠謂其妻曰視吾舌尚存否妻笑曰在儀曰足矣道州手札適復至紙長

要自三過讀盈把那須滄海珠入懷本倚崑山玉名詩置書

懷袖中三歲字不滅又阮籍詩被褐懷珠玉撥棄潭州百斛酒荆州記長沙郡鄴縣有鄴湖取湖水為酒極甘美

蕪沒湘岸千株菊使我晝立煩兒孫使我夜坐費燈

燭朱注言得道州書寶如珠玉故無心飲酒對菊讀之晝夜忘倦也憶子初尉永嘉去虬尉永嘉見二卷

此極寫得書歡  
泮之情

此意轉而韻不轉者又每段後另綴四語自爲一格

此段敘裴以乘時大用期之

紅顏白面花映肉軍符侯印取豈遲軍符侯印乃刺史所用紫燕駮

耳行甚速聖朝尚飛戰鬪塵濟世宜引英傑人黎元

愁痛會蘇息夷狄跋扈徒逡巡授鉞築壇聞意旨頽

網漏網期彌綸四句兼稱其文足經邦而武能戡亂郭欽上書見大計晉書侍御史郭

欽上疏曰戎狄強獷歷世爲患宜及平吳之威漸徙內郡雜虜於邊地峻出入之防明荒服之制劉毅答詔驚羣臣

此句亦對上黎元愁痛晉書武帝嘗問劉毅曰朕可方漢何主對曰桓靈帝曰何至於此對曰桓靈賣官錢入官庫陛下賣官錢入私門以此言之殆不如也

帝大笑曰桓靈之世不聞此言朱注道州時兼御史其人敢於諫諍故以郭欽劉毅擬之仇注引劉毅事亦爲代宗好貨而發他日更僕

語不淺明公論兵氣益振平聲傾壺簫管動白髮儻同舞

劍霜雪吹青春莊子在宥篇鼓歌以儻之此追言前日湘江之宴宴筵曾語蘇季子

從裴遞入蘇

舞

曾語曾語及之也

後來傑出雲孫比

浦注蘇亦挾縱橫之才故以季子相况

茅齋定王城

郭門

定王城注見十九卷

藥物楚老漁商市市北肩輿每聯袂郭

南抱甕亦隱几

莊子南郭子綦隱几而坐仰天而嘘嗒然似喪其耦此正言其寥落也四句謂已與蘇近日時相過從

無

數將軍西第成

後漢馬融傳融為大將軍西第頌頗為正直所羞

早作丞相東山起

謝安傳高崧戲之曰卿累違朝旨高臥東山仇注指當時濫叨將相者

鳥雀苦肥秋菽粟蛟龍欲蝥

寒沙水

言尸位者多以致賢者甘於隱去

天下鼓角何時休陣前部曲終

日死

言天下方值多事之秋有心人豈得安枕耶

附書與裴因示蘇此生已媿須

人扶致君堯舜付公等早據要路思捐軀

此段敘蘇以懷才不用惜之一片熱血飛灑紙上所謂齒落朱是無心人也

奉贈李八丈曠判官

我丈特英特。宗支神堯後。神堯謂高祖也。珊瑚市則無。駮驥人

得有。早年見標格。秀氣衝牛斗。事業富清機。曹摅思友詩。清機發妙理。

官曹貞獨守。言其不妄干進。頃來樹嘉政。皆已傳眾口。艱難體

貴安冗長。去聲。吾敢取。此苟切。文賦固無取乎冗長。朱注言艱難之時能以安靜為治體無取冗碎之務也。區

區猶歷試。炯炯更持久。二句言其不卑小。官能盡職而勿懈。討論實解頤。操

割紛應手。左傳猶未能操刀而使割也。篋書積諷諫。宮闕限奔走。入幕

未展材秉鈞。孰為偶。謂其材可大用。所親問淹泊。所親謂李。泛愛惜衰

朽垂白亂。一作辭。南翁。浦注亂南翁猶柳子厚書云居蠻夷中久已與為類矣。委身希北叟。固城

幽通賦北叟頗識其倚伏注引淮南子塞上翁事見九卷。真成窮轍鮒。或似喪家狗。秋枯洞

庭石趙注水落石出故曰枯風颯長沙柳高興激荆衡知音爲回首

言已潦倒已甚乃與發而情激者以李爲知音故耳

### 別張十三建封

舊唐書大厯初道州刺史裴虬薦建封於湖南觀察使韋之晉辟署參謀授左清道兵曹參軍

不樂職輒去後爲徐泗濠節度使公別建封蓋在其去職之時也

嘗讀唐實錄國家草昧初劉裴首建議

劉文靜傳大業末爲晉陽令與晉陽宮監

裴寂善文靜見太宗謂寂曰唐公子非常人也因與定議起兵

龍見尚躊躇秦王撥亂姿一劍

總兵符汾晉爲豐沛暴隋竟滌除

通鑑高祖鎮太原劉文靜裴寂知隋必亡首建議舉

大事帝猶未允賴秦王贊之遂起兵汾陽

宗臣則廟食後祀何疏蕪彭城英雄種

劉文靜傳文靜自言系出彭城世居京兆武功

宜膺將相圖爾維外曾孫倜儻汗血

李于德云史才  
雜筆

駒眼中萬少年。用意盡崎嶇。崎嶇乃倜儻之反。謂人情叵測也。相逢長沙

亭乍問緒業餘。乃吾故人子。童州聯居諸。舊唐書建封兗州人父玠少豪

俠安祿山反令偏將李庭偉脅下城邑玠率鄉豪集兵殺之太守韞擇木方遣使奏聞玠流蕩江南不言其功朱注按公父閑為兗州司馬當是趨庭之日與

玠遊而建封相從也公以開元末遊兗建封此時纔六七歲故曰童州聯居諸揮手灑衰淚。仰看八尺軀。

內外名家流風神。蕩江湖。言其眉宇開展范雲堪結友。梁書范雲好節尚奇

專趨人之急與領軍長史王暉善暉亡於官舍貧無居宅雲乃迎喪還家躬營哈殯嵇紹自不孤。晉書嵇康與山濤結神交康臨

誅謂其子紹曰巨源在汝不孤矣杜臆二句既欲託身又欲託子非真重其人必不作此語擇材征南幕。晉杜預為征南大將

軍以比潮落回鯨魚。載感賈生慟。復聞樂毅書。史記樂毅

王遺毅書且謝之毅亦作書報焉朱注建封在之晉幕中當必有不合而去觀四語可見主憂急盜賊。師老荒京



都謂疲於饋餉也舊邱豈稅駕大厦傾宜扶此又勉之以出而濟世無終老於舊邱也

君臣各有分管葛本時須雖當霰雪嚴未覺枯柏枯

即世亂識忠臣意高義在雲臺嘶鳴望天衢羽人掃碧海何云掃碧海所

謂海中乃復揚塵也功業竟何如蔣云英雄不得志往往逃之神仙此乃所以破之地張自是開氣英傑公惟恐其一失意便不

為世用故結語云然

奉送魏六丈佑少府之交廣舊唐書武德五年改隋交趾郡為交州總管府後改

安南都護府武德四年置廣州總管府後改中都督府

賢豪贊經綸功成名空垂子孫不振耀歷代皆有之

鄭公四葉孫魏徵傳貞觀元年進左光祿大夫鄭國公長大常苦饑用東方朔語眾中見

其冷冷語喚

得妙

毛骨猶是麒麟兒。磊落貞觀事。致君樸直詞。唐書徵犯顏正諫雖

賁育不能過。家聲蓋六合。行色何其微。遇我蒼梧野。一作陰忽驚

會面稀。議論有餘地。公侯來未遲。即公侯子孫必復其始意虛思黃金

貴。一作遺自笑青雲期。長卿久病渴。武帝元同時。司馬相如傳武帝讀

子虛賦善之曰朕獨不得與此人同時哉季子黑裘敝。得無妻嫂欺。四句歎魏佑之有才而不遇也長卿宦游

不遂病免作客與魏去少府而作客正同季子則又言其窮况尚為諸侯客。獨屈州縣卑。南遊

炎海甸。浩蕩從此辭。窮途仗神道。世亂輕土宜。言輕去鄉土也

解帆歲云暮。可與春風歸。囑其無多留戀出入朱門家。華屋刻

蛟螭。以近海故玉食亞王者。樂張遊子悲。莊子黃帝張咸池之樂於洞庭之野侍婢

豔傾城綃綺輕一作烟霧霏掌中琥珀鍾行酒雙透迤新

歡繼明燭梁棟星辰飛仇注星辰指梁上之燈兩情顧盼合珠碧贈

於斯浦注交廣多產珍寶俗奢而淫語有之少不入廣為其易迷而喪志也此十二句備言蠱惑客心之態上貴見肝膽

下貴不相疑心事披寫間氣酣達所為指揮鐵如意

莫避珊瑚枝石崇傳武帝嘗以珊瑚樹賜王愷高二尺許愷示崇崇便以鐵如意擊之應手而碎此段極言豪門奢侈而欲魏無所欣

羨畏縮也珠碧珊瑚皆交廣所產故詩中及之始兼逸邁興終慎賓主儀趙曰擊碎珊瑚雖氣之豪邁然

賓主之儀不可不慎也又戒之以義戎馬闔天宇嗚呼生別離

浦二田云詳詩意魏為名動之後才高位下遠客殊俗面其年或尚少壯奢淫易或故前半多惜詞後半多戒詞

### 北風

韓云末後另綴  
二語居者行者  
總不知將來作  
何下落牽衣一  
哭深情萬種

北風破南極朱鳳日威一作低垂浦注朱鳳借指南方以朱鳥為南方宿故洞庭秋欲神似參

雪鴻雁將安歸仇注朱鳳低垂鴻雁無歸喻己之流離失所也十年殺氣盛六合人

烟稀吾慕漢初老時清猶茹芝時清猶隱况亂世將焉適耶譚意正與上截緊相應一說何云

結句自羨其有芝可茹得以全命亂世直至時清也痛語乃曠逸出之

幽人浦注此亦因流寓失所而思及世外之侶與昔遊詩同意

孤雲亦羣遊神物有一作識所歸靈鳳在赤霄何當一來

儀朱注雲本從龍必待神物歸之以况幽人類聚非其時則不出也靈鳳赤霄况幽人之高舉不可得見也往與惠詢一作荀輩

舊注以為惠遠許詢何雲曰按公逸詩有送惠二過東溪詩云空谷滯斯人又云黃綺未稱臣與此詩中年滄洲期語正合詢或其名未可知也中

年滄洲期天高無消息棄我忽若遺內懼非道流幽

結處說上一層更有含蓄

用比興發端冒

魁全意

結處正與內擧  
非道流二句相  
應思欲從幽人  
而不得也

人見瑕疵。洪濤隱笑。語鼓柅蓬萊池。崔嵬扶桑日照。

耀珊瑚枝。山海經大荒之中暘谷上有扶桑十日所浴九日居下枝一日居上枝皆馘鳥風帆倚翠蓋。景福

殿賦龍舟兮翳翠蓋暮把東皇衣。東皇注見十卷郭璞詩左把浮邱袖洪濤以下仿佛其人為滄洲之遊如此嚙漱

元和津。中黃經但服元和除五穀必獲寥天得真錄注服元和謂咽津液也所思烟霞微。知名未

足稱。局促商山芝。言為知名所累故望商山而局促五湖復浩蕩。五湖洞庭湖也歲

暮有餘悲

鍾伯敬云此絕妙遊仙詩非惟無丹藥瓢笠氣亦并無雲霞山澤氣

自是筆性所至不可強耳

舟中夜雪有懷盧十四侍御弟。即前送韋尚書歸棹者

三四只寫意高絕。李云雪與雨異雨則天暗雪則天明非細心人體認不到

朔風吹桂水。大雪夜紛紛。暗度南樓月。盧注：柳子厚有長沙驛前南樓感舊。

詩當與北清皆屬近地。寒深北渚雲。楚辭：帝子降兮北渚。燭斜初近見。舟重竟無

聞。張云：燭因風斜乃近見有雪此雪之始集也。舟上雪厚則不聞有打篷之聲。此雪之多積也。此雪景人所不能道。不識山陰

道聽雞更憶君。暗用鄭風雞鳴風雨意。

方虛谷云：舟重近無聞可謂善言舟中聽雪之景不識山陰道熟事翻用便新。

### 對雪

北雪犯長沙。張潛注：北地多雪今南方亦然。是北雪來相犯也。胡雲冷萬家。鮑照詩：胡風吹朔雪。

千里度龍山。隨風且間葉。謂落葉與雪同翻。帶雨不成花。仇注：雪花有六出帶雨而溼故不成。

金錯囊垂在罄。金錯謂錢。注見十卷。銀壺酒易賒。言不易也。無人竭浮蟻。

有待至昏鴉。有酒無朋此寫對雪淒涼之景

冬晚送長孫漸舍人歸州。浦注非峽外之歸州歸字六疑有脫字長孫蓋北歸者

參卿休坐幄。宋注太白集有宴鄭參卿山池詩公為劔南節度參謀今罷故曰休坐幄蕩子不歸鄉。古詩

蕩子行不歸空牀難獨守南客瀟湘外。西戎鄠杜旁。漢宣帝紀尤樂鄠杜之間顏注鄠屬扶風杜屬京兆

時吐蕃入寇京畿故曰鄠杜旁衰年傾蓋晚。費日繫舟長。會面思來札。銷

魂逐去檣雲。晴鷗更舞風。逆雁無行。浦注雲引鷗飛去欲同去風吹雁斷畱者自畱

二句即景寓意匣裏雌雄劍。吹毛任選將。公詩騎突劍吹毛欲舍人及鋒而試也

暮冬送蘇四郎後兵曹適桂州。公有別蘇後赴湖南幕詩時自幕為桂州兵曹

飄飄蘇季子。六印佩何遲。史記蘇秦為從約長佩六國相印蔡邕釋誨連衡者六印磊落早作

情後半勉

諸侯客兼工古體詩。爾賢埋照久。顏延之詩沈醉似埋照余病長年。

悲盧綰須征日。漢書高祖使使徵盧綰綰稱病不行上怒曰綰果反使樊噲擊之樓蘭要斬時。

樓蘭注見六卷宋注按史大歷四年十二月桂州人朱濟時反容管經略使王翊敗之盧綰比叛將樓蘭比諸蠻也歲陽初盛動。

趙注十二月二陽生而盛矣王化久磷淄為入蒼梧廟看雲哭九疑。黃希曰九

疑山在道州後適桂州道所從出即出瞿唐峽詩同泣舜蒼梧意

客從。沈注按史大歷四年遣御史稅商錢詩故託珠以諷見徵斂之慘也通首寓言只末句露意

客從南溟來遺我泉客珠。述異記鮫人即泉先也又名泉客南都賦劉淵林注俗傳鮫人從水中出曾寄

寓人家程曰賣綃臨去從主人索器泣而出珠滿盤以與主人珠中有隱字。酉陽雜俎摩尼珠中有金字偈欲辨不

成書緘之篋笥久以俟公家須開視化為血哀今徵。



斂無哀無淚化之珠以應公家之徵斂也

盧德水曰歌短泣長情酸味厚此詩從珠上想出有隱字從泉客珠上想  
出化為血珠中隱字此民隱莫知此之所征皆小民淚點所化今并無之痛

不忍言矣

### 蠶穀行

天下郡國向萬城。無有一城無甲兵。仇注大厯三年商州兵馬使劉洽反幽州兵馬

使朱希彩反四年廣州人馮崇道桂州人朱濟時反又連年吐蕃入寇所謂無有一城無甲兵也焉得鑄甲作農器。

一寸荒田牛得耕。牛盡耕田字亦成不勞力。士淚滂

沱。男。穀。女。絲。行。復。歌。

### 白鳧行

宥慨乎其言之  
敘法參差得妙

起語如謠寓意

深惻

沈云末句推開  
作結感慨中復  
能安分

李云悲天憫人  
託物起興

君不見黃鶴高於五尺童。化為白鳧似老公。自是五尺童  
高於黃鶴化

無家

客路

為老翁似白鳧耳公詩  
每有此倒句朱注非

故畦遺穗已蕩盡。天寒歲一作日暮波濤

中。鱗介腥羶素不食。終日忍饑西復東。魯門鷄鴝亦

踏踏。聞道於一作如今猶避風。國語海鳥曰鷄鴝止於魯東門外三日  
展禽曰今茲海其有災乎夫廣川之鳥

獸恆知而避其災也是歲海多大風宋注鷄鴝今猶避  
風則黃鵠踏踏所固然耳何必以忍飢西東為戚哉

### 朱鳳行

君不見瀟湘之山衡。山高。山巔朱鳳聲嗷嗷。劉楨詩鳳  
鳳集南岳

羞與黃雀羣側身長顧求其曹。翅垂口噤心甚勞。下愍百鳥

在羅網。黃雀最小猶難逃。願分竹實及螻蟻。盡趙云音  
儘一作

邵云小序佳

忍使鴟鵂相怒號。補注黃雀螻蟻俱喻困斂之窮民鴟鵂喻剝民之兇人言但能澤及下民即逢權奸之怒亦所不計也

蔣弱六云白晷言其節操之苦朱鳳言其曾襟之闊此老豈徒為大言而已此中實有學問有性情不如是不足為千古第一詩人也

### 追酬故高蜀州人日見寄 并序

開文書帙中檢所遺忘因得故高常侍適往居在成都時高任蜀州刺史人日相憶見寄詩淚灑行間讀終篇末自枉詩已十餘年莫記存沒又六七年矣老病懷舊生意可知今海內忘形故人獨漢中王瑀與昭州敬使君超先在舊唐書昭州樂平縣屬嶺南道以昭岡潭為名愛而不見情見乎辭大厯五年正月二十一日卻追

酬高公此作因寄王及敬弟

自枉一作蒙蜀州人日作不意清詩久零落今晨散帙眼

忽開一作明迸淚幽吟事如昨嗚呼壯士多慷慨謂高蜀州素負氣節

合沓高名動寥廓歎我悽悽求友篇歎我謂高感君鬱鬱匡

時略錦里春光空爛漫瑤池侍臣已冥寞高終於散騎常侍瀟

湘水國傍黿鼉謂公泊潭州鄂杜秋天失鵬鸞謂高歿長安宋注高好直言故方之鵬鸞

東西南北更堪論白首扁舟病獨存遙拱

北辰纏寇盜大曆三年四月吐蕃頻入寇欲傾東海洗乾坤邊塞西蕃

最充斥左傳寇盜充斥衣冠南渡多崩奔仇注唐書至德以後中原多故襄鄧百姓兩京衣冠

因高有東西南北句更用四句分疏出此古人酬和體也

一作最充斥

衣冠南渡多崩奔

仇注唐書至德以後中原多故襄鄧百姓兩京衣冠

盡投江湖荆南井邑十倍於初故借用晉南渡事

起漢中

鼓瑟至今悲帝子

楚辭使湘靈鼓瑟兮令海若舞馮夷謂身在湘

也。曳裾何處覓王門。文章曹植波瀾闊。服食劉安德

業尊。

古今注淮南子服食求仙遍禮方士

長笛鄰家亂愁思

注見十四卷以秀思 昭

結言昭州仍縮到高一

州詞翰與招魂。

末四兩寄漢中兩寄敬弟欲得敬詩以招蜀州如宋玉之招屈原也

容齋隨筆古人酬和詩必答其來意非若今人為次韻所局也觀文選所編何劭張華盧諶劉琨二陸三謝諸人贈答可知已杜集如高適嚴武韋迢郭受彼此唱酬層次條答正如鐘磬在簾扣之則應往來反覆於是乎有餘味矣

附 人日寄杜二拾遺

高 適

人日題詩寄草堂。遙憐故人思故鄉。柳條弄色不  
忍見。梅花滿枝堪斷腸。身在南蕃無所預。心懷百

沈云浮雲斷棟  
言之傷心

李云前半太史  
公得意之文後  
半亦直敘如長  
江出蜀當看其

一往浩翰

憂復千慮

補注肅宗時適為李輔國所短下除太子詹事未幾蜀亂出為彭州刺史又遷蜀州二句憂長安經亂也

今年

人日空相憶明年人

一作此

日知何處一臥東山三十

春杜指豈知書劍老風塵龍鍾還忝二千石愧爾東

西南北人

送重表姪王砮

宋注集韻砮履石渡水今作厲說文引詩深則

砮李勉時為嶺南節度觀察使王當奉使入幕

評事使南海力制切歸為尚書

我之曾老一作祖姑爾之高祖母爾祖未顯時

唐書珪始隱居時與房元齡杜

婦

唐書王珪為禮部尚書兼魏王泰師

隋朝大業末房樞俱交友

唐書珪始隱居時與房元齡杜

長者來在門荒年自餬口家貧無供給客位側善如晦箕

典出秦王作上  
關紐何等筆

帝俄頃羞頗珍寂寥人散後入怪鬢髮空吁嗟為之

久自陳翦髻鬢市鬻充杯酒

宋注此暗使陶侃母翦髮具酒食為侃畱客事以形容之未必實然也

上云天下亂宜與英俊厚向竊窺數公經綸亦俱有

次問最少年虬髯十八九

太宗虬髯見十四卷唐書太宗起義兵時年十八

子等成

大名皆因此人手下云風雲合龍虎一吟吼願展丈

夫雄得辭兒女醜秦王時在座真氣驚尸牖

真氣謂真人氣象史

稱太宗龍鳳之姿天日之表朱注上云下云上指客言之下指主言之也唐書珪母李嘗語珪曰而必貴但未知所與游者何如人而試與偕來會元齡如膺

過其家李窺大驚勅具酒食歡盡日喜曰二客公輔才汝貴不疑西清詩話以新書所載質之是詩則珪之婦杜非其母李也且一婦人識真主於側微其事

甚偉史缺而不錄是詩載之為悉世號詩史信矣容齋隨筆高祖時太子建成與秦王相傾珪為太子中允說建成收劉黑闥以立功名其後揚文幹事起高

祖以兄弟不睦歸罪珪等而流之太宗即位乃召用然則珪與太宗非素交明矣而杜公稱其祖姑事不應不實且太宗時宰相別無姓王者真不可曉也按

此但當就詩論詩其中或有傳聞異辭處蔡說未免信杜太過至欲據史以駁杜詩之誤亦可不必也  
及乎貞觀初尚書

踐台斗唐書貞觀四年二月珪自黃門侍郎遷侍中參預朝政夫人常肩輿上殿稱萬壽

通首兩韻到底與大食刀歌同

六宮師柔順法則化妃后至尊均叔嫂盛世垂不朽

鳳雛無凡毛五色非爾曹往者胡作逆謂祿山乾坤沸噉

噉吾客左馮翊同州也天寶末公避寇同州按同州即奉先爾家同遁逃爭奪至

徒步塊獨委蓬蒿逗畱熱爾腸十里卻呼號謂相去十里尚反而

自下所騎馬右持腰間刀左牽紫遊韁飛走使我

高超越如騰空而去也苟活到今日寸心銘佩牢亂離又聚散窟

王右仲云當避亂逃生而捨己馬以活四世表叔王君高行固自可傳



廷評下方敘使南海

昔恨滔滔。水花笑白首。謂公自春草隨青袍。謂王劭古詩青袍似春草廷評

近要津。六典注漢宣帝於廷尉置左右評員四人魏晉以來直謂之廷尉評節制收英髦。節制謂嶺南節度使

北驅漢陽傳。時王必先有事漢陽傳傳車也南汎上瀧。舫。水經注武溪水又南入里山謂之瀧

中懸瀧回注崩浪震天謂之瀧水瀧水又南出峽謂之瀧口又南逕曲江縣東一統志三瀧水在韶州府昌樂縣西六十里瀧名船三百斛曰舫家

聲肯墜地利器當秋毫。言無微不至也番。輔官元俱切親賢領。仇注李

室故曰親賢漢書注番禺尉佗所都即今廣州府等運神功操大夫出盧宋。舊唐書自開元四十

年廣府節度使清白者四裴仲先李朝隱宋璟及盧奭出盧宋言出其上也寶貝休脂膏。海賦積太願之寶貝東觀漢記孔奮守始

臧七年治有絕跡或嘲其處脂膏中不能自潤而奮不改其操洞主降接武海胡泊千艘。舊唐書本傳大

歷四年李勉除廣州刺史兼嶺南節度觀察使番禺賊帥馮崇道桂州叛將朱濟時阻瀾為亂勉遣將招討悉斬之五嶺平先是西域舶泛海至者歲纔四五

七十一

結有超然高舉  
之想。因交趾  
出丹砂故以遊  
仙意作結

李云語淡而悲  
如不欲太多

勉性廉潔舶來都不檢閱末年至者四十餘代歸至石門停舟悉搜  
家人所貯南貨犀象之物投之江中者老以為為可繼宋璟盧奐之後  
我欲就

丹砂跋涉覺身勞安能陷糞土司馬遷書隱忍苛活函糞土之中  
有志乘

鯨鼇或驂鸞騰天聊一作作鶴鳴臯刪賦駕鶴上漢驂鸞騰天鳴臯謂臯詩補注言我亦

將圖南冲舉聊以斯篇  
為鶴鳴應和之徵耳

鍾伯敬云前段不過敘中表戚耳忽具一部開國大掌故自往者以下祇是  
亂離相依僕馬瑣悉之務卻無端委轉折可尋習中潦倒筆下淋漓非獨詩

法之奇即作一篇極奇文字看亦可。申梟盟云  
此詩似傳似記聲律中有此奇觀 足空人眼界

### 清明

著處繁華矜是日長沙千人萬人出渡頭翠柳豔明

眉梁元帝詩柳葉生眉上珠璫搖鬢垂唐太宗柳詩半翠幾眉開沈此言柳映眉指遊女也  
爭道朱蹏驕齧膝

莊子乘駿馬而偏朱蹏王褒頌及至駕鬻膝  
驂乘旦應劭曰馬怒有餘氣常齧膝而行此都好遊湘西寺卽岳麓道林二

寺諸將亦自軍中至馬援征行在眼前葛強親近同

心事馬援比主帥葛強比部將杜臆諸將出征在適正宜同金鐙都鐙切下

山紅日晚見是竟日之遊牙檣振柁青樓遠謂下馬人舟也樂府美女篇青樓臨大路古時

喪亂皆可知人世悲歡暫相遣弟姪雖存不得書干

戈未息苦離居逢迎少壯非吾道况乃今朝是祓除

張云喪亂句本譏諸將卻以古時推開便不直遽

周禮女巫掌歲時祓除盥浴鄭注如今三月三日上巳往水上之類趙曰以唐史氣朔考之大歷五年三月三日清明是清明正值上巳故有今朝是祓除之句言祓除不祥本非行樂蓋歡未畢而悲又繼之矣

風雨看舟前落花戲爲新句

浦云體物微妙

毫端活潑不虞

老境擅此冶情

○俞犀月云是

落花是舟前落

花從看中畫出

來故妙

江上人家桃樹

一作李

枝春寒細雨出疏籬影遭碧水潛

便是畫景

勾引風如紅花卻倒吹吹花困懶

一作癡

傍舟楫水光風

力俱相怯

謂既怯勾引又怯吹也

赤憎輕薄遮人懷

赤憎猶云生憎亦方言也公詩輕薄桃花逐水

流珍重分明不來接

張潛云言恐以遮人懷可憎故遠飛不欲與人相接說得無知物如有意甚妙

溼久

飛遲半欲高縈沙惹草細於毛蜜蜂蝴蝶生情性偷

眼蜻蜓避伯勞

爾雅鴉伯勞也物理論伯勞惡鳥故眾鳥畏之性好獨蜂蝶生情其意在採花也又畏忌不敢遽採摹擬曲盡

王右仲曰此詩摹寫物情一一從舟中靜看得之都是虛景巧語本大家所不屑為者故云戲為新句而織濃綺麗遂為後來詞曲之祖

### 奉贈蕭十二使君

昔在嚴公幕俱為蜀使臣艱危參大府前後間清塵

原注嚴再領成都余復參幕府朱注嚴武初鎮蜀時蕭嘗參幕府前後未相值故云起草鳴先路乘槎動要

津謂當事見重王鳧聊暫出蕭雉只相馴蕭雉注見十九卷詳詩意蕭蓋先除郎官以他事貶縣令

主應麟曰終始旋復入為郎任安義蕭使君漢書霍去病為驃騎將軍大將軍故人荒蕪孟

之賢可見矣少陵自注其事足以砥薄俗

母鄰聯翩匍匐禮詩凡民有喪匍匐救之謂經紀兩喪也意氣死生親原注嚴公既沒老母

家事宋注晉語趙文子冠見張老而語之左傳楚子問趙孟曰范武子之德何如對曰夫子之家事治言蕭使君能存嚴公之家也嵇康

有故人故人謂山濤注見本卷食恩慙鹵莽鏤骨抱酸辛巢許山林

志謂自夔龍廊廟珍謂蕭鵬圖仍矯翼熊軾且移輪謂蕭今刺郡湖

南承山林句磊落衣冠地蒼茫土木身墳簏鳴自合金石瑩逾

說到自家一團真意激發

土詩竟全

新重憶羅江外

舊唐書羅江縣屬綿州公曾送嚴武至綿想蕭使君亦在

同遊錦水濱。結歡

隨過隙。懷舊益霑巾。曠絕含香舍。

含香注見十三卷

稽留伏枕

辰停驂。雙闕早

自言久斷朝謁

迴雁五湖春。不達長卿病。從來

原憲貧。監河受貸粟。一起涸中鱗。

結蓋有望於蕭也莊子莊周往貸粟於監河侯曰周

昨來有中道而呼者顧視車轍中有鮒魚焉周問之曰我東海之波臣也君豈有升斗之水而活我哉

奉送二十三舅錄事

崔

之攝郴州

唐書郴州桂陽郡屬江南西道

賢良歸盛族。吾舅盡知名。徐庶高交友。

蜀志徐庶與崔州平友善此蓋以州平比

也。劉牢出外甥。

晉書桓元曰何無忌劉牢之甥酷似其舅言崔之賢餘蔭能及甥也

泥塗豈珠玉。

世說王武子衛玠之舅見玠輒歎曰珠玉在側覺我形穢

環堵但柴荆。衰老悲人世。馳驅厭

驟起只用帶出

李云首段稱崔

次段自敘三段

送別四段因勉

慰之頭緒亦繁

轉承自洽

應盛族

應

應

應

應

甲兵氣春江上別。淚血渭陽情。丹鷁排風影。林鳥反

哺聲。東晉補亡詩。敷敷林鳥受哺於子。趙曰。此言崔舅侍太夫人以行也。永嘉多北至。晉書。永嘉之亂。元帝渡江。衣冠

多自北至。勾漏且南征。用葛洪事。必見公侯復。終聞盜賊平。郴州頗

涼冷。橘井尚凄清。蘇耽橘井。注見十四卷。兼切奉母意。從事何蠻貊。居官志

在行。左傳。當官而行。何強之有。

送魏二十四司直充嶺南掌選崔郎中判官兼

寄韋韶州。韋迢也。唐書。高宗上元三年。以嶺南五管黔中都督府。得任土人而官。或非才。乃選郎中御史為選補。吏謂之

南選

選曹分五嶺。使者歷三湘。寰宇記。湘潭。湘鄉。湘源。是為三湘。選曹謂崔郎中使者謂魏司直。才

中四語老成忠  
善見朋友相規

之義

美膺推薦君行佐紀綱佳聲期共遠雅節在周防明

白山濤鑒晉書山濤典選十餘年甄拔人嫌疑陸賈裝  
物各為題目時稱山公啟事  
漢書高祖使陸賈賜尉佗

故人湖外少春日嶺南長憑報韶

州牧新詩昨寄將

### 送趙十七明府之縣

連城為寶重史記趙惠王得楚和氏璧秦昭王請以十五城易之茂宰得才新

山雉迎舟楫續漢書魯恭為中牟令有馴雉之異江花報邑人

論交翻恨晚臥病卻愁春惠愛南翁悅餘波及老

身朱注趙必官復潭間故有未語



同豆盧峯貽主客李員外賢子裴知字韻唐書世系表豆

盧姓慕容氏北人謂歸義為豆盧因賜以為氏居昌黎棘城唐志主客郎中員外各一人屬禮部

煉一作練金歐冶子吳越春秋干將與歐冶子採五山之精合六金之英煉而為劍噴玉大宛兒二句

見惟是父乃有是子也符采高無敵曹植七啟符采照爛聰明達所為二句兼內外說夢蘭

他日應左傳鄭文公有賤妾曰燕姑夢大使與己蘭既而文公與之蘭而御之生穆公名之曰蘭折桂早年知用郢

爛漫通經術光芒刷羽儀謝庭瞻不遠潘省會於謂李

斯宋注潘岳秋興賦序余以太尉掾寓直於散騎之省公與李皆員外郎豆盧亦必官省即故曰潘省會於斯唱和將雜曲

仇云結出和詩賓主四人俱見

晉書樂志吳歌雜曲有鳳將雛田翁號鹿皮自比遜世

歸雁二首

仇云首章見歸雁而切故鄉之思。詠物詩託興凄婉並爲絕調。

次章傷歸雁而興漂泊之感。

邵云子美七絕此篇最絕。

萬里衡陽雁。今年又北歸。不歸也。雙雙瞻客上。一一背

人飛。雲裏相呼疾。沙邊自宿稀。繫書元浪語。蘇武傳常惠教漢使者詭

言漢天子射雁上林得武帛書。愁絕故山薇。

欲雪違胡地。湖音之來。先花別楚雲。言今之去。卻過清渭影。高起洞

庭羣。仇注過清渭謂來時所經起洞庭謂去時所歷。塞北春陰暮。江南日色曛。二句亦屬分貼

傷弓流落羽。行斷不堪聞。

江南逢李龜年。楚詞章句襄王遷屈原於江南在江湘之間。皇雜錄上素曉音律樂工李龜年特承恩遇其

後流落江南每遇良辰勝景常爲人歌數闋座客聞之莫不掩泣罷酒

岐王宅裏尋常見。舊唐書岐王範睿宗子好學工書雅愛文章之士。崔九堂前幾度

聞原注崔九即殿中監崔滌中書令湜之弟舊書崔湜弟滌素與元宗款密因爲祕書監出入禁中正是一作江南好風

### 景落花時節又逢君

沈確士云含意未申有案無斷。黃白山云此詩與劍器行同意今昔盛衰之感言外黯然而使太白少伯操筆當無以過乃知公於此體非不能爲正

聲直不  
屑耳

### 小寒食舟中作

杜臆歲時記冬至後一百五日爲寒食據歷在清明前二日廣義注禁火三日謂至後一百四

日五日六日詩云佳辰強飲食猶寒蓋明日清明始有新火此小寒食乃寒食次日也

佳辰強飲食猶寒。隱几蕭條戴鶻冠。

趙注鶻冠隱者之冠袁淑真隱傳鶻冠子楚人

衣敝履穿因服成號著書言道家事

春水船如天上坐。老年花似霧中看。娟

沈確士語奇而確

娟戲蝶過閒

一作開

幔片片輕鷗下。急湍

二句以蝶鷗往來自在反興已欲歸長安而不

承花

承水

也○得○結○有○遠○神○雲○白○山○青○萬○餘○里○愁○看○直○北○是○長○安○看○字○複○

### 燕子來舟中作

李○云○情○至○之○篇  
感○興○深○厚

湖○南○為○客○動○經○春○燕○子○銜○泥○兩○度○新○舊○人○故○園○曾○識○是○故○交○

主○如○今○社○日○遠○看○人○燕○以○春○社○日○來○可○憐○處○處○巢○君○室○古○詩○思○為○雙○飛○燕○銜○泥○巢○

君○室○何○異○飄○飄○託○此○身○暫○語○船○檣○還○起○去○穿○花○落○一○作○水○

益○霑○巾○末○二○句○似○別○似○戀○見○此○相○憐○相○識○者○惟○燕○而○已○此○為○客○之○所○以○益○霑○巾○也○

盧○德○水○曰○只○五○十○六○字○比○類○連○物○茫○茫○有○身○世○無○窮○之○感○但○覺○滿○紙○是○淚○公○詩○能○動○人○若○此○

### 贈韋七贊善

鄉○里○衣○冠○不○乏○賢○杜○陵○韋○曲○末○央○前○爾○家○最○近○魁○

象原注斗魁下兩兩相比為三公謂韋世為三公時論同歸尺五天原注俚語曰城南韋杜去天尺五唐宰相世系

表杜氏宰相十一人韋氏宰相十四人北走關山開雨雪謂送韋至長安南遊花柳塞雲

烟謂已留潭州仇注同此家世乃有一去一留之不同用開塞二字景象便有慘舒之別洞庭春色悲公子悲與韋別

也蝦一作鮮菜忘歸范蠡一作萬里船述異記洞庭湖中有釣洲昔范蠡扁舟至此釣於洲上有一陂陂中有范蠡魚

時公府居故以范蠡船自况言欲如蠡之長往也

酬寇十侍御錫見寄四韻復寄寇寇當以春時會於洞庭別後有詩見寄

往別郇瑕地郇瑕注見前於今四十年來簪御史筆魏略殿中侍御史簪

白筆側故泊洞庭船詩憶傷心處謂憶及四十年前之事春深把臂前

南瞻按百越浦注今兩廣古百越地黃帽待君偏寇此行往按百越言我當於此待君之返也朱注黃帽公

詩卷全

自謂也劉郎浦詩黃帽青鞋歸去來舊注引漢書黃頭郎非是

入衡州舊唐書天歷四年七月以澧州刺史崔瓘為潭州刺史湖南都團練觀察使五年四月瓘為兵馬使臧玠所殺據潭為亂

湖南將王國良因之而反時公入衡州避兵

此詩多用偶句似古亦似排與橋陵詩同格

此段追溯亂源敘崔瓘瑕瑜互見是為詩史

兵革自久遠興衰看帝王漢儀甚照耀言朝廷法令著明胡馬

何猖狂老將一失律謂哥舒翰失守潼關清邊生戰場君臣忍瑕

垢河岳空金湯重鎮如割據輕權絕紀綱輕權概制馭之無術也軍

州體不一寬猛性所將宋注言為政寬猛各隨其性二句當屬起下崔未免以嚴致禍也嗟彼

苦節士謂在素於圓鑿方圓鑿方柄見十三卷圓鑿而方之見其矯俗為治也寡妻從為

郡仇注詩刑于寡妻謂無姬妾之好兀者安堵牆莊子王駘兀者也兀則足安堵牆見恩及無告二句言其約已仁民

張上若云恕已  
二字最妙蓋清  
謹人自視無愧  
多率意而行往  
往致亂

此段敘臧玠之  
亂

凋弊惜邦本。哀矜存事常。旌麾非其任。府庫實過防。

恕已獨在此。多憂增內傷。多憂謂竭慮以防府庫偏裨限酒肉。卒伍

單衣裳。兀惡迷是似。元惡謂臧玠迷是似言借缺餉以惑眾聽聚謀洩康莊。竟流

帳下血。大降湖南殃。烈火發中夜。高烟燄上蒼。至今

分粟帛。殺氣吹沅湘。福善理顛倒。明徵天莽茫。舊唐書璠以士

行聞莅職清謹遷潭州刺史政在簡肅恭守禮法將吏自經時艱久不奉法多不便之五年四月會月給糧儲兵馬使臧玠與判官達奚觀忿爭觀曰今幸無

事玠曰有事何逃厲色而去是夜玠遂搆亂犯州城以殺遣為名瓊惶遽走逢玠兵至遂遇害銷魂避飛鏑。累足穿

豺狼。漢書累足脅息隱忍枳棘刺。遷延胼胝瘡。胼胝瘡足胼胝而成瘡也遠歸兒

侍側。猶乳女在旁。久客倖脫免。暮年慙激昂。恨不能討賊也蕭

此言自潭避難

條向水陸汨沒隨漁商報主身已老入朝病見妨悠

悠委薄俗鬱鬱回剛腸〔稽康絕交書〕參錯走洲渚春容轉

林篁片帆左郴岸〔宋〕注郴岸郴水之岸也〔九域志〕郴州西北至衡州界一百三十七里則郴在衡之東南故曰左郴岸

通郭前衡陽〔唐〕書衡州倚郭為衡陽縣華表雲鳥陣〔說文〕亭郵表徐曰表雙立為桓今郵亭立木交於其

端或謂之華表公詩共說總戎雲鳥陣〔陳〕言華表之旁皆列雲鳥之陣也名園花草香旗亭壯邑屋〔西〕

賦旗亭五里俯察百烽櫓蟠城隍〔櫓〕城上守望樓烽櫓設烽燧於樓櫓也隍城下濠中有古

刺史〔時〕陽濟為衡州刺史兼御史中丞盛才冠巖廊扶顛待柱石獨坐飛

風霜〔後漢書〕光武特詔御史中丞與司隸校尉尚書令會同並專席而坐京師號三獨坐昨者間瓊樹〔古詩〕安得瓊樹

枝以解長渴飢又〔世說〕毛曾與夏侯元並坐時人謂蒹葭倚玉樹言已得侍刺文如間瓊樹然高談隨羽觴〔逸詩〕羽觴隨波謂如



此段敘入衡州

鳥羽之輕也

無論再繾綣。已是安蒼黃。劇孟七國畏。

漢書劇孟以俠顯七國反

時條侯乘傳東將至河南得之隱若一敵國

馬卿四賦良。

司馬相如賦載子虛上林哀二世及大人四賦

門闌蘇

生在。原注蘇生侍御漢按蘇亦必自潭奔衡

勇銳白起強。

仇注蘇渙少喜剽盜善用白弩故以劇孟白起比之又公稱其

詩突過黃初故以馬卿四賦比之

問罪富形勢。

朱注唐書時澧州刺史楊子琳道州刺史裴虬澧州刺史陽濟各出兵討賊故

云。凱歌懸否臧。

易師出以律否臧以謂宜示順逆之義

氛埃期必掃。蚊蚋焉能

當橋井舊地宅。仙山引舟航。

橋井詳十四卷後漢志注柳縣南數里有馬嶺山山有仙人蘇耽壇元和

柳縣志蘇耽舊宅在郴州東半里俯臨城餘迹猶存

此行怨暑雨。厥土闢清涼。諸舅剖

符近。諸舅謂崔偉時攝郴州公將往依焉

開緘書札光。頻煩命屢及。磊落字

百行江總外家養。

陳書江總七歲而孤依於外氏

謝安乘興長。

晉書謝安寓會稽出則漁弋山

此因贊助得人而勸刺史討賊

水入則言詠屬  
文無處世意

下流匪珠玉

珠玉注見前

擇木羞鸞凰

鳳凰非梧桐不棲言避地有同

擇木但愧非鸞凰耳

我師嵇叔夜

晉書嵇康性懶有不堪者七

世賢張子房

原注彼掾張勸通鑑德宗

此段言已欲往  
柳依舅氏未句

建中中以張勸  
為陝虢節度使

柴荆寄樂土  
鵬路觀翺翔

樂土即柳州言將寄居柳土以觀衡守之討賊

仍合到衡州

立功翺翔鵬路也

白馬

仇注此為潭州之亂死於戰鬪者記其事以哀之

白馬東北來空鞍貫雙箭可憐馬上郎意氣今誰見

近時主將戮中夜傷於戰

崔瓘時為臧玠所殺

喪亂死多門嗚呼

淚如霰

仇滄柱云喪亂死多門一語極慘或死於寇賊或死於官兵或死於賦役或死於飢餓或死於流離奔竄其身歷患難者不知

舟中苦熱遣懷奉呈陽中丞通簡臺省諸公陽中

承即陽濟此詩仇注強分四段其曰齒莽增憤以此呈楊澧州得毋慮面謾耶蔣云觀驅馳數公子句臺省諸公疑指中丞僚屬如崔侍御即

其一也

何云起筆義例

森然言已無討賊之權則已耳臺省諸公豈可坐視

此段舟中苦熱遣懷

愧為湖外客看此戎馬亂中夜混黎毗脫身亦奔竄

平生方寸心謂崔藿真反當帳下難嗚呼殺賢良不叱

白刃散言無人起而救之者吾非丈夫特詩百夫之特沒齒埋冰炭何承天詩冰炭

恥以風病辭胡然泊湘岸言不肯以老病引身事外何竟一無

所置力耶入舟雖苦熱垢膩可漑灌痛彼道邊人形骸改昏

日謂遇亂而死者四句又作自慰之詞中丞連帥職禮記十國以帥為連連有帥封內權得按身

上詩竟全

蔣云呈陽有責  
重有期望有鼓  
舞有激發卻俱  
含得有嗟歎在  
內

此段奉呈楊中  
丞

當問罪先縣實諸侯半謂南中軍州半屬所轄士卒既輯睦啟行促

精悍似聞上游兵鶴注謂裴道州也道州在潭州之西乃湘水上流稍逼長沙館鄰

好彼克脩天機自明斷句仍指陽言當決意討賊南圖卷雲水北拱戴

霄漢美名光史臣長策何壯觀朱注南圖北拱言連帥問罪之師將南靖湖湘而北尊天子也

驅馳數公子咸願同伐叛聲節哀有餘夫何激衰懦

叶煖去聲奴亂切張潛注言諸公討賊風聲節槩哀痛有餘使我衰懦之人亦為感激也偏裨表三上鹵莽同一

貫宋注當時藩鎮有事俱用偏裨上表假東論以脅制朝廷通鑑楊子琳起兵討玠取賂而還時蓋用此以請釋玠罪補注以上表歸於偏裨雖不斥

言子琳然曰鹵莽同始謀誰其間謂始統同討賊中有間言回首增憤惋宗英

李端公舊注以為李勉時在廣州守職甚昭煥變通迫脅地謀畫焉得

此段通簡臺省

諸公

籍復總加激勉

仍應苦熱意

算言果能於賊黨逼迫要挾之地而變通出奇王室不肯微凶徒略

○計○勦○賊○以○振○國○威○透○頂○謀○論○

無憚此流須卒斬詩國旣神器資強幹扣寂豁煩襟安賦扣寂

寂謂賦詩也莫而末音扣皇天照嗟歎

蘇氏父子好論兵杜公傷時撓弱一則曰京觀且僵尸再則曰國須行戰伐此復曰此流須卒斬神器資強幹意亦近之非書生迂闊之見

江閣對雨有懷行營裴二端公宋注裴此與討賊玠之亂故有行營

南紀風濤壯陰晴屢不分野流行地日江入度山雲

趙汭曰流濤滿道日照其中雨過而晴也度山之雲下與江接晴而又雨也皆陰晴不分之景層閣憑雷殷長空面

水文一作紋梁元帝雨來銅柱北應洗伏波軍洗兵雨出說苑注見五卷

題衡山縣文宣王廟新學堂呈陸宰唐書衡山縣屬衡州唐禮樂志

開元二十七年  
諡孔子文宣王

主西樵云此便  
可作脩學記

先言世亂文教  
不脩

此言喜見衡山  
脩文廟有合盛  
朝運道之義

旄頭彗紫微旄頭注見十八卷廣韻  
彗掃也謂安史之亂無復俎豆事金甲相排

蕩謂武夫  
放恣青矜一憔悴嗚呼已十年儒服弊於地征夫

不遑息學者淪素志我行洞庭野歛得文翁肆水經注  
文翁為

蜀守立講堂作石室於南城  
朱注肆即書肆講肆之肆僦僦胄子行招魂往來僦  
僦注眾貌若舞風雩至

周室宜中興孔門未應棄是以資雅才渙然立新意

衡山雖小邑首唱恢大義仇注劉歆移太常書七十子  
終而大義乖此當即指建學因見縣

尹心根源舊宮闕言知為治之要  
詩闕宮有仉講堂非曩構大屋加塗

塹書注塗塹  
泥飾也下可容萬人牆隅亦深邃何必三千徒

一段言文教可  
銷戰爭詳言修  
受廟之實

此段言已於盛  
舉不可略必記  
之以傳後

蔣云興盡本韻  
可見古詩通韻  
者多而不出韻  
節別為一體

始壓戎馬氣。林木在庭戶。密幹疊蒼翠。有井朱夏時。

輓轆凍階卮。

音仕廣韻輓轆圓轉木用以汲水梁簡文帝詩銀牀繫輓轆

耳聞讀書聲。殺伐

災髣髴。

叶方味切浦注髣髴謂一聞書聲而殺氣漸衰息也上六見堂宇寬深下六見堂前幽勝

故國延歸望。

衰顏減愁思。南紀改波瀾。西河共風味。

史記子夏居西河教授為魏文侯師

索隱劉氏云同州河西縣有子夏石室講堂

采詩倦跋涉。載筆尚可記。高歌激宇

宙。凡百慎失墜。

聶耒陽以僕阻水書致酒肉療飢荒江詩得代

懷興盡本韻至縣呈聶令

浦注題當止此下疑小注原文特以注明阻水之處耳

陸

路去方田驛四十里

謂自衡州來此方田驛在耒陽

舟行一日時屬

江漲泊於方田

唐書耒陽縣屬衡州元和郡國志因耒水在縣東為名西北至衡州一百七十里鶴注郴州與

耒陽皆在衡州東南衡至郴四百餘里郴水入衡公欲往  
郴依舅氏其至方田也蓋泝郴水而上故曰方行郴岸靜

耒陽馳尺素見訪荒江渺義士烈女家

義士謂聶政烈女政姊嫫也事見戰國策

風流吾賢紹昨見狄相孫

補注公在夔有寄狄明府博濟詩云梁公曾孫或即此人

許公人

倫表

狄公嘗推許聶令

前朝翰林後

趙注聶祖父必嘗為翰林

屈跡縣邑小知我

礙湍濤半旬獲浩演

以沼切上林賦浩演潢漾注皆水無際貌

麾下殺元戎湖邊

有飛旒

謂崔瓘之喪

孤舟增鬱鬱僻路殊悄悄側驚猿猱捷

仰羨鸛鶴矯禮過宰肥羊

詩既有肥羜爾雅羜未成羊

愁當置清醪曹植酒賦

其味有宜城醪醴蒼梧醪清

人非西喻蜀

司馬相如有喻巴蜀檄注詳十卷

興在北坑趙史記



破趙坑其降卒四十萬人宋注言臧玠之徒非可檄喻必盡誅之乃快也方行柳岸靜即指方山驛未話長沙

擾崔師乞已至。澧卒用矜少。原注聞崔侍御澧乞師於洪府師已至袁州北楊中丞琳問罪將士自澧

上達長沙仇注子琳取賂於臧玠矜少亦屬微詞問罪消息真。開顏憩亭沼。末幅以慰令也。

黃鶴云二史皆言公卒於耒陽謝聶令詩云興盡本韻又且宿方田驛若果以餓死豈能為是長篇復游憩亭沼以詩證之其認明矣

過洞庭湖集外詩見吳若本洪玉甫云有人得之江中石刻仇注此當是耒陽回棹重過洞庭而作

蛟室圍青草。名勝志洞庭君山有八景一曰龍堆隱白沙一統志金沙洲

在洞庭湖中一名龍堆青草湖白沙驛注俱見十九卷護堤盤古木。迎權舞神鴉。岳陽風土記巴陵鴉

甚多土人謂之神鴉無敢弋者破浪南風正。回檣一作收帆畏日斜。左傳注夏日可畏湖光

與天遠。直欲泛仙槎。

暮秋將歸秦畱別湖南幕府親友

水闊蒼梧野。天高白帝秋。顧注白帝司秋蓋言暮秋時令與白帝城無涉途窮那免

哭身老不禁愁。大府才能會。通鑑注唐時巡屬諸州以節度使府為大府亦謂之會府諸公

德業優。北歸衝雨雪。誰憫敝貂裘。

長沙送李十一 銜

與子避地西康州。洞庭相逢十二秋。西康州即同谷縣公以乾元二年冬寓同谷全

大歷五年為十二秋遠愧尚方曾賜履。竟非吾土倦登樓。登樓賦雖信美而非

吾土兮久存膠漆應難並。一

辱泥塗遂晚收。上句言李氣誼過人下句言已窮老莫振李杜齊名真忝竊。後漢黨

李云渾樸有初  
習氣味

密與李膺俱坐而名行相次故時人亦稱李杜焉注前有李固杜喬故言亦也朔雲寒菊倍離憂朱瀚曰別景別情一

語盡之

風疾舟中伏枕書懷二十六韻奉呈湖南親友

軒轅休製律虞舜罷彈琴尚錯雄鳴管漢志伶倫製十二

鳴六雌鳴亦六猶傷半死心七發龍門之桐高百尺而無枝其根半死半生句謂半死之桐終覺乖戾失和乃借琴以喻已浦注言軒

律虞琴本以調八風而應薰風者乃今此之風足以致疾必其有管錯心傷處也 聖賢名古邈音莫聖賢即指士軒舜 羈

旅病年侵舟泊常依震浦注時必在洞庭之東偏易曰震東方也湖平早見參西參

方七宿之一冬月昏見南方 如聞馬融笛馬融長笛賦序有洛客舍逆旅吹笛融去京師踰年暫聞甚悲又賦中云正瀏瀟以風列

若倚仲宣襟王仲宣登樓賦向北風而開襟馬融王粲皆異地思鄉者兼貼風疾意故國悲寒望羣

張惕菴云此亦杜集大文章曾了易簣之詞語守渡河之志

雲慘歲陰。水鄉霏白屋。楓岸壘一作青岑。鬱鬱冬炎瘴。

濛濛雨滯淫。岳陽風土記岳州地極熱十月猶單衣或搖扇震雷暴雨如中州六七月間鼓迎非祭鬼。

謂多淫祀也風土記荆湖民俗禱祠多擊鼓令男女踏歌謂之歌場彈落似鴉禽。鴉似鴉不祥鳥也仇注上二言氣候之殊下二

言風土之異興盡纔無悶。愁來遽不禁。生涯相汨沒。時物正

一作蕭森疑惑樽中弩。亦言疑畏多端不但指多病風俗通應彬為汝令請主簿杜宣飲酒北壁上懸赤弩照於林中

影如蛇宣惡之及飲得疾後彬知之延宣於舊處設酒因謂宣曰此乃弩影耳宣病遂瘳淹畱冠上簪。冠上簪謂朝簪公久臥疾未得

歸朝故曰牽裾驚魏帝。用辛毗事注見八卷投閣為劉歆。投閣注見二卷朱注按子雲被

收本為劉歆子棻獄辭連及今日為劉歆蓋借用耳二句言己因救房琯得罪狂走終奚適。朱浮責彭寵書信通獨中風狂走

人親友微才謝所欽。謂己貧如此而親友尚知相敬也所欽當屬自言舊注非是吾安藜不糝。汝貴

張上若云首段

因風致節遂

淹畱楚方之

詩

玉為琛。晉書太守馬岌造宋纖不得見銘於壁曰其人如玉為國之琛烏几重重縛鶉衣寸寸

針哀傷同庾信。庾信有哀江南賦述作異陳琳。言不能草檄討賊十暑岷

山葛。潘注自乾元二年入蜀至大歷三年出峽為十暑三霜楚戶砧。自三年至今五年為三霜使記楚雖三戶亡秦

必叨陪錦帳坐。謂曾為郎官久放白頭吟。反樸時難遇。忘機

陸易沈。莊子與世違而心不屑與之俱是陸沈者也郭象曰人中隱者譬無水而沈也應過數粒食。鷓鴣賦巢林不

過一枝每食。不過數粒得近四知金。後漢書王密懷金遺楊震曰暮夜無知者震曰天知地知子知我知何謂無知遂不受言已所

食過於鷓鴣而囊空無復餽金者。四知事借用亦寓非分不取意春草封歸恨。源花費獨尋。轉

蓬憂悄悄。行藥病泔泔。鮑照有行藥至城東橋詩注因病服藥行以寫導之漢書霍光夫人顯使女醫滔于衍投

毒藥以飲許后有頃曰我頭泔泔也藥得無有毒乎。瘞天追潘岳。潘岳西征賦天赤子於新安坎路側而瘞之時必有悼殤事

二段數百仕宦

土... 卷... 三

增證并及年來  
窘困之狀

持危覓鄧林

謂老行須杖也而海經夸父與日逐走道渴死棄其杖化為鄧林 蹉跎翻學步謂

於逢世繼子壽陵餘子學行於邯鄲失其故步直匍匐而歸耳

感激在知音卻假蘇張舌高誇

周宋鐔

音尋莊子天子之劍以燕谿石城為鋒齊岱為鏑晉衛為脊周宋為鐔韓魏為銖說文鐔劍鼻也

納流迷浩

汗峻址一作趾

得嶽岑

納流峻址言諸公能包容而合小以成大也二句即泰山不讓土壤故能成其高河海不擇細流故

能就其深意

城府開清旭松筠

一作篁起碧潯

披顏爭

倩倩

倩倩笑容也詩巧笑倩兮

逸足競駸駸

詩載驟駸駸二句言望其顏色者皆爭往而歸之

朗鑒存

愚直

愚直公目謂

皇天實照臨公孫仍恃險侯景未生擒

補注

如北邊藩鎮近地叛將皆是

書信中原闊干戈北斗深

是年冬十一月吐蕃復寇靈州畏人

下里井

金陵記南朝計吏止於傳舍將去以剗馬草瀉井中謂無再過矣不久復至汲飲遂為昔時之剗刺喉而死故後人戒曰千里井不

瀉到諺又云千里井不問俗九州箴左傳虞人之箴曰芒芒禹跡

反唾唾乃判字之詭也九州揚雄傳贊箴莫善於虞箴作州箴二句言戰血流依舊軍聲動至今葛洪尸定解言將客死也晉

中興書葛洪止羅浮山中煉丹忽與廣州刺史鄧岱書云當欲遠行岱得書狼狽而往洪已亡時年八十一顏色如平生舉尸入棺其輕如空衣時咸以為尸

末段言兵戈尚

亂而已漂泊無定家業既荒丹

訣難學為可悲也

解得許靖力還一作難任指親友蜀許靖傳靖走交州身坐岸邊先載附從

仙休自流宕以來每有患難常先家事承許靖句無成涕大後已與九族中外同其饑寒丹砂承葛洪句

作霖

仇滄柱云此詩作於耒陽阻水之後公之不隕於牛肉白酒明矣其云葛洪尸定解蓋亦自知不久將沒也編詩者當以此章為絕筆。陸放翁臨終示

兒詩云王師北定中原日家祭毋忘告乃翁務觀生平學杜其忠愛乃有嗣音

附考定偽詩二一首俱集外詩

此詩詞旨纖仄  
斷非公筆

巴西驛亭觀江漲呈竇使君第二首 見郭知達黃鶴本

轉驚波作惡一作怒、卽恐岸隨流、賴有杯中物、還同海上

鷗關心小剡縣、一統志剡縣今紹興府嵊縣、傍眼見揚州、顧注公素有東遊之興故及之、爲

接情人飲、朝來減片愁、

逃難 見陳浩然本又見文苑英華

邵云凡淺定是贗作

五十白頭翁、南北逃世難、疏布纏枯骨、奔走苦不暖、  
已衰病方入四海、一塗炭、乾坤萬里內、莫見容身畔、  
妻孥復隨我、回首共悲歎、故國莽邱墟、鄰里各分散、  
歸路從此迷、涕盡湘江岸、



他集互見四首

哭長孫侍御

見郭知達黃鶴本中興間氣集載杜誦作

道為詩書重名因賦頌雄禮闈曾擢桂

用郗詵事在昉集出入禮闈朝夕舊

館注禮闈尚書省也此謂唐以禮部掌貢舉

憲府近乘驄流水生涯盡浮雲世事

空惟餘舊臺柏蕭瑟九原中

虢國夫人

見草堂逸詩亦見張祜集

虢國夫人承主恩平明騎馬入宮門

一作金門明皇雜錄虢國夫人出入禁中常乘

紫驄使小黃門為御紫驄之駿健黃門之端秀皆冠絕一時

卻嫌脂粉澆顏色淡掃蛾

眉朝至尊

軍中醉歌寄沈八劉叟

見草堂逸詩文苑英華載暢當作潘子真詩話山谷在蜀見石刻有

唐人詩以杜老酒渴愛江清為韻人各賦一詩

奇語

酒渴愛江清。餘酣漱晚汀。軟沙欹坐穩。冷石醉眠醒。  
野膳隨行帳。華音發從伶。數杯君不見。都已遣沈冥。

盧注因座中不見兩君故數杯便覺沈冥也

杜鵑行

見陳浩然本亦見黃鶴本文苑英華載司空曙作

古時杜宇稱望帝。魂作杜鵑何微細。跳枝竄葉樹木

中。搶翔一作瞥振雌隨雄。搶飛掠也瞥振言正飛而忽見其回折也毛衣慘黑貌。憔悴

眾鳥安肯相尊崇。墮形不敢棲華屋。短翮惟願巢

李子德云此詩多與公相翻駁當是司空曙作

深叢穿皮啄朽嘴欲禿。苦饑始得食一蟲。誰云養雛不自哺。此語亦足爲愚蒙。音聲咽咽如有謂。嘒號略與嬰兒同。口乾垂血轉迫促。似欲上訴於蒼穹。蜀人聞之皆起立。至今相效傳遺風。迺知變化不可窮。豈知昔日居深宮。嬪嬙左右如花紅。未歎世俗之傳訛也